

長
生
殿
傳
奇

太真遺集



曾聞秋士最易興悲況說傾城由來多怨青
天恨滿已無尋樂之區碧海深孰是寄愁之所
所以鄭生馬上詩紀津陽白傅筵中歌傳長恨
踵爲填詞良有以也逮余汎覽天寶之事流連
秘殿之盟見夫元人雜劇多演太真明代傳奇
亦登阿辮而或緣情之作聊資予野清歌累德
之辭間雜溫公穢語春華秋實未可相兼樂音
潘辭尤難互濟今讀稗畦先生長生殿院本事
與鬟符意隨義異聲傳水際淵魚聽而聳鱗響
遏雲端阜禽聞而振羽曲調之工疇能方駕至
所載釵合定情之後羽霓奏曲之時夢用臺邊
朝朝

薦枕避風殿上夜夜留裙氏約夢媒笑匏瓜之無匹
可離獨活美連理之交榮今古情緣非茲誰屬或謂
虛後宮而故劍是求得遺世而傾國不惜豈有他生
未上旋嘆芝焚此世難期忍看玉碎得無小過取笑
雙星不知塵壘入而時異處堂宗社危而勢難完璧
徐溫之刃已漸及于楊庭鸞拳之兵行將凌于楚子
此而隱忍不幾覆后稷之宗若更依回將且致夫差
之蹈權衡常變夫豈淪盟審察機宜乃爲善後推斯
意也知其黃土之封榮千金屋白楊之覆等于碧城
然吾于此竊有慨焉設使包胥告急依牆之計不行

燭武如秦圉城之師未解則是珠襦玉匣安能對香
佩以傷心碧水青山何止聽淋鈴而出涕就令乘輿
無恙南內深居而天孫無補恨之方方士乏返魂之
術亦祇弔盛姬于泉下何由效叔寶于臺邊千古悲
涼何堪勝道卽如班姬失寵感閨扇之微風陳后辭
恩望長門之明月許婕妤不平之曲淚溫朱弦衛莊
姜太息之言心憂黃裡他若明妃羣帳侯媛錦囊或
遶落于江南或飄零乎塞北嗟其泣矣傷如之何茲
乃補嫺皇之石賴有蜀牋填精衛之波幸存江筆繁
絃哀玉適足寫其綢繆短拍長歌亦正形其怨咽嗟

乎鄭衛豈導淫之作楚騷非變雅之音是以歸美贈
巧每託論于美人庖蔭滋蘭原寄情于君父而孔公
正樂不盡刪除屈子抽思竝存此興猶之子虛烏有
未嘗實有其人迴雪凌波要亦絕無是事于是循環
寶帙似屬寓言倡歎雕章無非雅則馬鄭王白之外
饒有淵源施高湯沈之間相推甲乙使逢季札定觀
止而無譏若遇周郎亦低徊而罔顧故知羣推作者
洵爲唐帝功臣事竟經然恐是玉妃說客同里門人
汪燏拜識

自序

余覽白樂天長恨歌及元人秋雨梧桐劇輒作數日
惡南曲驚鴻一記未免涉穢從來傳奇家非言情之
文不能擅場而近乃子虛烏有動寫情詞贈答數見
不鮮兼垂典則因斷章取義借天寶遺事綴成此劇
凡史家穢語槩削不書非曰匿瑕亦要諸詩人忠厚
之旨云爾然而樂極哀來垂戒來世意卽寓焉且古
今來逞侈心而窮人欲禍敗隨之未有不悔者也王
環傾國卒至隕身死而有知情悔何極苟非怨艾之
深尙何證仙之與有孔子刪書而錄秦誓嘉其敗而

能悔殆若是歟第曲終難干奏雅稍借月宮足成之
要之廣寒聽曲之時卽游仙上升之日雙星作合生
初利天情緣總歸虛幻清夜聞鐘夫亦可以遽然夢
覺矣康熙己未仲秋和畦洪昇題於孤嶼草堂

例言

憶與嚴十定隅坐皋園談及開元天寶間事偶感李
白之遇作沉香亭傳奇尋客燕臺亡友毛玉斯謂排
場近熟因去李白入李泌輔肅宗中興更名舞霓裳
優伶皆久習之後又念情之所鍾在帝王家罕有馬
嵬之變已違夙誓而唐人有玉妃歸蓬萊仙院明皇
遊月宮之說因合用之專寫敘合情緣以長生殿題
名諸同人頗賞之樂人請是本演習遂傳于時蓋經
十餘年三易稿而始成予可謂樂此不疲矣

史載楊妃多汚亂事予撰此劇止按白居易長恨歌

陳鴻長恨歌傳爲之而中間點染處多采天寶遺事
楊妃全傳若一涉穢跡恐妨風教絕不闌入覽者有
以知予之志也今載長恨歌傳以表所由其楊妃本
傳外傳及天寶遺事諸書旣不便刪削故舉置不錄
焉

柴村相國嘗稱予是劇乃一部閨熱牡丹亭世以爲
知言予自惟文采不逮臨川而恪守韻調罔敢稍有
踰越蓋姑蘊徐靈昭氏爲今之周郎嘗論撰九宮新
譜予與之審音協律無一字不愜也

曩作關高唐孝節坊諸劇皆友人吳子舒鳧爲予評

長生殿傳奇上卷

錢唐溫鼎題思填詞

同里吳人舒鳧論文

長洲徐麟靈昭樂句

傳槩 末上

清場恨事有情而
無緣者不可勝數
惟合生死論之則
情緣自相牽引故
以青陵冢樹為證
也

南呂 滿江紅 今古情場問誰箇真心到底但果有精
引子 誠不散終成連理萬里何愁南共北兩心那論生和
死笑人間兒女悵緣慳無情耳 感金石回天地昭
白日垂青史看臣忠子孝總由情至先聖不曾刪鄭
衛吾儕取義翻宮徵借太真外傳譜新詞情而已

家門引子須鑒悉

情事又須一氣貫

穿今人不講此法

久矣廣陵散於斯

復見

提明宿緣二字為

憑仙事合首尾皆

動

徐曰必關春五處

對句合調法

長生殿詩句正名

是元人案法

中呂沁園春天寶明皇玉環妃子宿緣正當自華清

賜浴初承恩澤長生乞巧永訂盟香妙舞新成清歌

未了鼙鼓喧闐起范陽馬嵬驛六軍不發斷送紅粧

西川巡幸堪傷奈地下人間兩渺茫幸遊魂悔罪

已登仙籍迴鑾改葬只剩香囊証合天孫情傳羽客

鈿盒金釵重寄將月宮會霓裳遺事流播詞場

唐明皇歡好霓裳讌楊貴妃魂斷漁陽變

鴻都客引會廣寒宮織女星盟証長生殿

定情生於唐明皇引二內侍上

大石東風第一枝端冕中天垂衣南面山河一統皇

明皇英主也非徒
成昏庸之比只因
行樂一念便自願
老溫樂成天寶
之禍末路猶不若
其成昇平數語足
爲宴安之戒

唐層霄雨露迴春深宮草木齊芳昇平早奏韶華好
行樂何妨願此生終老溫柔白雲不羨仙鄉

韶華入禁闈宮樹發春暉天喜時相合人和事不
違九歌揚政要六舞散朝衣別賞陽臺樂前句暮
雨飛朕乃大唐天寶皇帝是也起自潛邸入繼皇
圖任人不二委姚宋於朝堂從諫如流列張韓于
省闕且喜塞外風清萬里民間粟賤三錢真個太
平致治庶幾貞觀之年刑措成風不減漢文之世
近來機務餘閒寄情聲色昨見宮女楊玉環德性
溫和丰姿秀麗卜茲吉日冊爲貴妃已曾傳旨在

長生殿上

白內補賜浴華清
恩波字即從新浴
生出此是楊妃承
恩第一事必從此
寫起

華清池賜浴命永新念奴伏侍更末即着高力士

引來朝見想必就到也丑扮高力士二宮女執扇

引旦扮楊貴妃上

玉樓春恩波自喜從天降浴罷粧成趨彩仗宮女六宮

未見一時愁齊立金階偷眼望

到介丑進見生跪介奴婢高力士見駕冊封貴妃

楊氏已到殿門候旨生宣進來丑出介萬歲爺有

旨宣貴妃楊娘娘上殿旦進拜介臣妾貴妃楊玉

環見駕願吾皇萬歲內侍平身旦臣妾寒門陋質

充選掖庭忽聞寵命之加不勝隕越之懼生妃子

徐曰舊譜里字武
板至維字始下板
今增約字一板次
兩亦然

只此一卦已見教
係升木

驚喜通背

世胄名家德容兼備取供內職深愜朕心旦萬歲

丑平身旦起介生傳旨排宴丑傳介內奏樂旦送

生酒宮女送旦酒生正坐旦傍坐介生

大石過曲念奴嬌序寰區萬里徧徵求窈窕誰堪領袖嬪

嬙佳麗今朝天付與端的絕世無雙思想擅寵瑤宮

褒封玉冊三千粉黛總甘讓合惟願取恩情美滿地

久天長

旦

前腔頭蒙獎沉吟半晌怕庸姿下體不堪陪從椒房

受寵承恩一霎裏身判人間天上須仿馮嬃當熊班

姬辭輦永持彤管侍君傍
合惟願取恩情美滿地久
天長

宮女

前腔換頭歡賞借問從此宮中阿誰第一似趙家飛燕

在昭陽寵愛處應是一身承當休讓金屋裝成玉樓

歌徹千秋萬歲捧霞觴合惟願取恩情美滿地久天

長

此二曲捧霞觴頻進酒句方合廷上詔宮娥口中微含妬意更得神理

內侍

前腔換頭瞻仰日繞龍鱗雲移雉尾天顏有喜對新粧

頻進酒合殿春風飄香堪賞圓月搖金餘霞散綺五

引走月上

雲多處易昏黃。合惟願取恩情美滿地久天長。

五月上了。啓萬歲爺撒宴生。朕與妃子同步階前。

玩月一回。內作樂生携旦前立衆退後齊立介生

中呂過曲。古輪臺下金堂籠燈就月細端相。庭花不及嬌

模樣。輕偎低傍。這鬢影云光掩映出丰姿。千狀低笑

月華寫艷夢雨綃
新領是絕妙好辭

向旦介。此夕歡娛風清月朗笑他夢雨暗高唐。旦追

遊宴賞幸從今得侍君王。瑤階小立春生天語香縈

仙仗玉露冷沾裳。還凝望重重金殿宿鴛鴦。

生掌燈往西宮去。丑應介。內侍宮女各執燈引生

旦行介全

引起極情

三曲皆以月字映

前腔換頭輝煌簇擁銀燭影千行迴看處珠箔斜開銀
河微亮複道迴廊到處有香塵飄颺夜色如何月高
仙掌今宵占斷好風光紅遮翠障錦雲中一對鸞凰
瓊花玉樹春江夜月聲聲齊唱月影過宮牆寒羅幌
好扶殘醉入蘭房

丑啟萬歲爺到西宮了生內侍迴避北春風開紫
殿內侍天樂下珠樓同下生

餘文花搖燭月映窓把良夜歡情細講合莫問他別
院離宮玉漏長

宮女與生旦更衣暗下生旦坐介生銀燭迴光散

美人韻致惟在定
情之際杜牧所謂
意態稍顯二月初
也善男兒或惡巨
或沉醉車馬成歡
居露市惜別滿二
守節有無數處存
相若少頃事便

是覺家風味矣

楊朱承簾亦別院

人也得意時更不

管尖意之苦負恃

爭情於此可見不

但文章拓開鏡有

遠神也

得寶字是明皇本

事曲名

徐曰首句本上七

字百寶二字乃觀

也今人以此一字

作寶字而於金字

下書一截板且於

紅字悍然用詞悞

矣

叙盒乃本傳始終

作合處故於進宮

退後特寫二面

以致珍重之意非

止文情盡教場上

綺羅旦御香深處奉恩多生六宮此夜含顰望

明日爭傳得寶歌生朕與妃子偕老之盟今夕伊

始袖出釵盒介特携得金釵釧盒在此與卿定情

生

越調綿搭絮這金釵釧盒百寶翠花攢我緊護懷中

近詞珍重奇擎有萬般今夜把這釵呵與你助雲盤斜插

雙鸞這盒呵早晚深藏錦袖密裏香純願似他並翅

交飛牢扣同心結合歡

付旦介旦接釵盒謝介

前腔謝金釵釧盒賜予奉君歡只恐寒姿消不得

長生殿上

五

天家雨露團作背看介恰偷觀鳳翥龍蟠愛殺這雙
頭旖旎兩扇團團惟願取情似堅金釵不單分盒永
完

生麗明春月照花枝

元稹

且始是新承恩澤時

白居易

生長倚玉人心自醉

席

合年年歲歲樂於斯

席

賄權

淨扮安祿山箭衣氍帽上

正宮破陣子失意空悲頭角傷心更陷羅罟異志十
分難屈伏骨氣千尋怎蔽遮權時寧耐些

腹垂過膝力千鈞足智多謀膽絕倫誰道孽龍甘

蟻屈翻江境海便驚人自家安祿山營州柳城人

徐曰首二句對起
中二句兩仄對細
法如是
一起盡好雄失路
之

自述靈異印序出
隨母管姓之職
史記入李斯廟
馬和天子同一筆

也俺母親阿史德求子札犂山中歸家生俺因名
祿山那時光滿帳房烏獸盡都鳴竄後隨母改嫁
安延假遂冒姓安氏在節度使張守珪帳下投軍
他道我生有異相養爲義子授我討擊使之職去
征討奚契丹一時恃勇輕進殺得大敗逃回幸得
張節度寬恩不殺解京請旨昨日到京吉凶未保
且喜有箇結義兄弟喚作張千原是楊丞相府中
幹辦昨已買囑解官暫時鬆放尋他通箇關節把
禮物收去了着我今日到彼候覆不免前去走遭
行介喚俺安祿山也是箇好漢難道便這般結果

將蘇山賊寇之本
累爲惡黨
均一死也及獲之
與敵亡相上萬里
如東門來大華亭
吹鶴皆共此一悔

了麼想起來好恨也

正官 過曲 錦纏道 莽龍蛇木待將河翻海決翻做了失水
幾中髓恨樊籠霎時困了豪傑早知道失軍機要遭
介銀倒不如喪沙場免受縲紲驀地裏那雙跌全憑
仗金投暮夜把一身離阱穴算有意天生吾也不爭
待半路枉摧折

來此已是相府門首且待張兄弟出來丑扮張千
上君王舅子三公位宰相家人七品官見介安大
哥來了丞相爺已將禮物全收着你進府相見淨
斟介多謝兄弟周旋丑丞相爺尚未出堂且到班

助有松山本李林甫事劇中恐多枝節移置國忠亦因共召亂而文致之所謂君子惡居下流勿疑與正史相反也

房少待全憑內閣副元手爭救取邊關失利人同

下副爭扮楊國忠引祇從上

仙呂引子鵲橋仙榮誇帝里恩連戚畹兄妹都承天眷中

書獨坐攬朝權看炙手威風赫烜

國政歸吾掌握中三台八座極尊崇退朝日晏歸

私第無數官僚拜下風下官楊國忠乃西宮貴妃

之兄也官居右相秋晉司空分日月之光華掌風

雷之號令冷笑介窮奢極慾無非行樂及時納賄

招權真箇回天有力左右迴避從應下副淨道纔

張千稟說有箇邊將安祿山爲因臨陣失機解京

長生殿上

從來權奸變亂黑
白皆有曲說自文
今以愛惜人才附
會古人使過之意
真是蔽聰

正法特獻禮物到府要求免死發落我想勝敗乃
兵家常事臨陣偶然失利情有可原笑介就將他
免死也是爲朝廷愛惜人才已曾分付令他進見
再作道理丑暗上見介張千稟事安祿山在外伺
候副淨着他進來丑領鈞旨虛下引淨青衣小帽
上丑這裏來淨膝行進見介犯弁安祿山叩見丞
相爺副淨起來淨犯弁是應死囚徒理當跪稟副
淨你的來意張千已講過了且把犯罪情由細說
一番淨丞相爺聽稟犯弁遵奉軍令去征討奚契
丹呵副淨起來講淨起介

仙呂 過曲 解三醒恃勇銳衝鋒出戰指征途所向無前不

隄防番兵夜來圍合轉臨白刃剝空營副淨後來怎

生得脫淨那時犯弁殺條血路迤山重圍單鎗匹馬

身幸免只指望鑒錄微功折罪愆誰想今日阿當刑

憲叩首介望高抬貴手曲賜矜憐

副淨起介

前腔 論失律喪師闕鉅典我雖總朝綱敢擅專况

刑書已定難更變恐無方可回天淨跪哭介丞相命

若有救援犯弁就得生了副淨笑介便道我言從計

聽微有權這就裏機關不易言淨叩頭介全仗丞相

餘曰幸免幸字與下曲有權有字俱用仄聲合韻

你曰換頭一可與前詞不同點板亦異今人概作首詞句法非也

胸中已極餘許言下故作推託寫機變人情事歸肯

不說明救援之法
豈得神理大凡深
心人每機決不失
露也

如相行事必授意
他人整之又必令
主上自裁之以免
疑而固寵此段曲
寫少人肺腑

爺做主副淨也罷待我明日進朝相機而行便了乘
其便便好開羅撤網保汝生全

淨叩頭介蒙丞相爺大恩容犯弁犬馬圖報就此
告辭副淨張千引他出去丑應同淨出介眼望提
旌旗耳聽好消息同下副淨想介我想安祿山乃
邊方末弁從不著有勞績今日犯了死罪我若特
地救他必動聖上之疑笑介哦有了前日張節度
疏內曾說他通曉六番言語精熟諸般武藝可當
邊將之任我就授意兵部以此為辭奏請聖上召
他節前試驗於中乘機取旨却不是好

專權意氣本豪雄

舊

萬態千端一瞬中

新

多積黃金買刑戮

舊

不妨私薦也成公

新

春睡

旦引老旦扮永新貼旦扮念奴上

越調 祝英臺近夢迴初春透了人倦懶梳裹欲傍粧

引子 臺羞被粉脂凝老旦貼旦趁他遲日房櫳好風簾幕

且消受熏香閑坐

永新念奴叩頭旦起來海棠春流鶯窗外啼聲巧

睡未足把人驚覺老翠被曉寒輕貼寶篆沉烟裊

旦宿醒未醒宮娥報老貼道別院笙歌會早旦試

問海棠花合昨夜開多少旦奴家楊氏弘農人也

長生殿上

九

一 承恩便作如許
嬌媚的是情寵人
情態
永念見其倦粧之
狀即以遲日好眠
熏香明坐迎合之
是 小人先意承片如

原名字之由與祿
山同一篇法楚作
者微文

父親元琰官爲蜀中司戶早失怙恃養在叔父之
家生有玉環在於左臂上隱太真二字因名玉環
小字太真性格溫柔姿容艷麗漫指羅袂淚滴紅
冰薄試霞綃汗流香玉荷蒙聖眷拔自官嬪位列
貴妃禮同皇后有兄國忠拜爲右相三姊盡封夫
人一門榮寵極矣昨宵侍寢西宮低介未免異嬌
兩怯今日晌午時分纔得起來老貼鏡奩齊備請
娘娘理粧且行介綺疏曉日珠簾映紅粉春粧寶
鏡催坐對鏡介

唐周勃多寫楊
國忠人黨行奉

越調
祝英臺把鬢輕掠攪細整臨鏡眼頻睭老詞娘

水二公本也
四形容盡致可
謂出寸有面
徐日貼了翠釵等
以故去似初而唱
來正協若用尋常
及以平平便不諧
矣
茲花另作一局寫
非此情事宛然文
波亦增委折

臨鏡試粧粧成後
臨鏡起見百嬌千
媚艷影自舒

娘貼上這花釵旦貼了翠釵貼再貼上這胭脂旦注
了紅臉老請娘娘畫眉旦畫眉介着意再描雙蛾旦
立起介延俄慢支持楊柳腰身貼呀娘娘花兒也忘
戴了代旦插花介好添上櫻桃花朶老貼作看旦介
看了這粉容嫩只怕風兒彈破

老貼請娘娘更衣與旦更衣介

前腔換飄飄蘭香金繡影更了杏衫羅旦步介老

貼看介你看小頭步搖輕蕩湘裙旦兜鞋介低蹴半

彎凌波停妥旦顧影介老貼裏臨風百種嬌嬈旦回

身臨鏡介老貼還對鏡千般婀娜旦作倦態欠伸介

長生殿上

十

困欠申而勸接亦
是迎合之意

閑談中寫出陽日
而解此者惟王
老與押哇耳

老夫得女妻其有
此狀總覺虧于上
五女尚善乎此似

老貼扶介娘娘恁恹恹何妨重就衾窩

且也罷身子困倦且自畧睡片時永新念奴與我
放下帳兒正是無端春色薰人困纔起梳頭又欲
眠睡介老貼放帳介老萬歲爺此時不進宮來敢
是到梅娘娘那邊去麼貼姐姐你還不知道梅娘
娘已遷置上陽樓東了老哦有這等事貼永新姐
姐這幾日萬歲爺尚愛楊娘娘不時來往西宮連
內侍也不教隨駕了我與你須要小心伺候上

前腔換欣可後宮新得嬌娃一日幾摩學坐進老

官家能解惜玉憐
香之事是善釐飛
燕外傳者

則見介萬歲爺駕到娘娘剛纔睡哩生不要驚他作
揭帳介試把綃帳慢開龍腦微聞一片美人香和醺
科愛他紅玉一團壓着鴛衾側卧老貼背介這溫存
怎不占了風流高座

旦作驚醒低介

前腔頭誰個慕然揭起鴛幃星眼倦還按作坐起摩
眼撩髻介生早則淺淡粉容消褪唇朱掠削鬢兒欹
雙老貼作扶旦起旦作開眼復閉立起又坐倒介生
憐他侍兒扶起腰肢嬌怯怯難存難坐老貼扶旦坐
介生扶住介恁朦朧且索消詳停和

秦語更韵

出前殿以便國忠
入見

國忠奉旨委試殿
中人宮回奏自不
覺唐突矣

旦萬歲生春畫時和正好及時游賞爲何當午睡
眠旦低介夜來承寵雨露恩濃不覺花枝力弱強
起梳頭却又朦朧睡去因此失迎聖駕生笑介這
等說倒是寡人唐突了旦嬌羞不語介生妃子看
你神思困倦且同到前殿去消遣片時旦領首生
旦同行老貼隨行介生落日留王母旦微風倚少
兒老貼合宮中行樂秘少有外人知生旦轉坐介
丑上畫漏稀聞高閣報天顏有喜近臣知啟萬歲
爺國舅楊丞相遵旨試驗安祿山在宮門外回奏
生宣奏來丑宣介楊丞相有宣副淨上天下表章

祿山犯律守珪得
自行戮乃請付廷
尉以數留此等種
旁流頭夏是守珪
定陪之禍故不妨
以保奏之思坐之

萬年詞只于白中
帶過亦是避熱處
且于後寫變折中
指寫詞文更實生

經院過官中笑語隔牆聞拜見介臣楊國忠見駕

願吾皇萬歲娘娘千歲丑平身副臣啟陛下蒙委

試驗安祿山果係人才壯健弓馬熟嫻特此覆旨

生朕昨見張守珪奏稱祿山通曉六番言語精熟

諸般武藝可當邊將之任今失機當斬是以委卿

驗之既然所奏不誣卿可傳旨祿山赦其前罪明

日早朝引見授職在京以觀後効副領旨下丑啟

萬歲爺沉香亭牡丹盛開請萬歲爺同娘娘賞玩

生今日對妃子賞名花高力士可宣翰林李白到

沉香亭上立草新詞供奉丑領旨下生妃子和你

賞花去來

倚檻繁花帶露開

羅虬

旦相將游戲繞池臺

落然

生新歌一曲令人豔

曹

合只待相如奉詔來

李商

稷濟

丑上

高力士始終侍從
明皇劇中則目所
係必須一叙家門
安祿山復祿承寵
亦須冠帶表異於
流春時穿插安頓
絕無痕迹

雙調賀聖朝崇班內殿稱尊大顏親奉朝昏金翠玉
帶蟒袍新出入荷殊恩

咱家高力士是也官拜驃騎將軍職掌六宮之中

權壓百僚之上迎機尋款模揣聖情曲意小心荷

承天寵今乃三月三日萬歲爺與貴妃娘娘游幸

曲江命咱召楊丞相并秦韓魏三國夫人一同隨

因結路而復職繫
相承睦
徐曰壯懷字平
徐與前曲入字作
平俱合調法

此折高力士安祿
山正係公子三國
夫人楊國忠村姑
與女雜沓上下幾
如滿地散錢而以
春游買之線索自
相牽綴尤妙在指
注三國夫人一意
轉折先從高安自
中引出三國正係
公子有曲亦然次
曲三國發馬三曲
諒山窈窕四曲國
忠與前曲相連

驚不免前去傳旨與他傳聲報威里今日幸長安

〔下〕淨冠帶引從上

前腔一從請託權門天家雨露重新
臣壯懷會當伸

俺安祿山自蒙聖恩復官之後十分寵眷所喜俺
生的一箇大肚皮直直過膝一日聖上見了笑問
此中何有俺就對說惟有一片赤心天顏大喜自
此愈加親信許俺不日封王豈不是非常之遇左
右迴避從應下淨今乃三月三日皇上與貴妃遊
幸曲江三國夫人隨駕傾城士女無不往觀俺不

帝幸拾簪履結爲三國形容伏麗六由三國再見結尾又編重演國起下仿託付思諸折難潮紙春元捺亂而道花添切分聯不奕真覺筆有化工

行文之妙更在用仙筆微寫如以游人行遊我出明皇貴妃之象依以通細隱隱映出三國夫人之香澤并錄山之無狀國忠之妾後背于虛處傳神觀者當思其經背慘淡與枕賞絕妙好語也

免換了便服單騎前往遊玩一番作更衣上馬行
介出得門來你看香塵滿路車馬如雲好不熱鬧
也正是當路遊絲紫醉客隔花啼鳥喚行人下副
淨外扮王孫末扮公子各麗服同行上合

仙呂人夜行船序春色撩人愛花風如扇柳烟成陣
雙調行過處辨不出紫陌紅塵見介請了副淨外今日修
袂之辰我每同往曲江遊玩末小生便是那邊簇擁
著一隊車兒取是三國夫人來了我每快些前去行
介紛紜繡幕雕軒珠繞翠圍爭如奪俊氤氳蘭麝逐
風來衣綵飄光遙認

徐曰夜行船序四曲內兩平短韵俱極自然合法

語語誇來見女子口吻逼真

同下老旦繡衣扮韓國貼白衣扮號國雜緋衣扮秦國引院子梅香各乘車行上合

前腔

換頭

安頓羅綺如雲關妖嬈各逞黛蛾蟬鬢蒙天

寵特勅共採江春老旦奴家韓國夫人貼奴家號國

夫人雜奴家秦國夫人合奉旨召遊曲江院子把車

兒趨行前去院曉得行介合朱輪碾破芳堤遺珥墜

簪落花相襯榮分戚里從宸遊幾隊宮粧前進

同下平策馬上目視三國下介妙啊

黑蟒序

頭

同囉絕代丰神猛令咱一見半晌銷魂恨

車中馬上香難親近俺安祿山前往曲江恰好遇着

院作唐突語是作者微文諷刺并于陽中露出藏鏡稿之意

國忠初見祿山猶覺其畏已迴避也
祿山笑問及知從
西大人車前來
不覺發一彈一
不覺發一彈一
不覺發一彈一
不覺發一彈一

三國夫人一箇箇天姿國色。唐天子。唐天子。你有一
了一位貴妃。又添上這幾箇阿姨。好不風流也。評論
羣花歸一人。方知天子尊。且趕上前去。飽看一回。望
前塵。饒眼迷奚。不免揮策頻頻。

作鞭馬前奔。雜扮從人上。攔介唱。丞相爺在此。什
麼人。這等亂撞。副淨騎馬上。爲何喧嚷。副淨作
打照面。淨回馬。急下。從小的方纔見一人騎馬亂
撞過來。向前攔阻。副淨笑介。那去的是安祿山。怎
麼見了。下官就疾忙躲避了。作沉吟介。三位夫人
的車兒在那里。從就在前面。副淨呀。安祿山那厮。

怎敢這般無禮

前腔換頭堪恨藐視皇親傍香車行處無禮所混徒衝

衝怒起心下難忍叫左右緊緊跟隨着車兒行走把
閨人打開衆應行介爭忙奔把金鞭辟路塵將雕
鞍逐盡輪合語行人慎莫來前怕惹丞相生嗔

同下爭扮村婦丑扮醜女老旦扮賣花娘子小生

扮舍人行上合

錦衣香粧扮新添淹潤身段村喬丰韻更堪憐芳草

沾裾野花堆髻見介爭列位都是去遊曲江的麼衆

正是今日皇帝娘娘都在那里我每同去看一看丑

舞曲中皆有各商
本色語

聽得皇帝把娘娘愛的似寶貝一般不知比奴家容貌如何老旦笑介小生作看丑介丑你怎麼只管看我小生我看大姐的臉上倒有幾件寶貝淨什麼寶貝小生你看眼嵌貓睛石額雕瑪瑙紋蜜蠟裝牙齒珊瑚鑲嘴唇淨笑介丑將扇打小生介小油嘴偏你沒有寶貝小生你說來丑你後庭像銀鑲掘過幾多人淨笑介休得取笑聞得三國夫人的車兒過去一路上有東西遺下我每赶上尋看丑如此快走行介丑作嬌態與小生譚介合和風徐起蕩晴雲銅車一過草木皆春小生且在這草裏尋一尋可有甚麼老

先下不情狀
我欲且與子改
裝轉回

旦我先去了向朱門繡閣賣花聲叫的殷勤叫賣花
下衆作尋各拾介丑問淨介你拾的甚麼淨是一枝
簪子丑看介是金的上面一粒緋紅的寶石好造化
淨問丑介你呢丑一隻鳳鞋套兒淨好好你就穿了
何如丑作伸脚比介啐一箇脚指頭也着不下鞋尖
上這粒真珠摘下來罷作摘珠丟鞋介小生待我袖
了去丑你倒會作攬收拾你拾的東西也拿出來瞧
瞧小生一幅絞綃帕兒裹着箇金盒子淨接作闔看
介映黑黑的黃黃的薄片兒聞着又有些香莫不是
耍藥麼小生笑介是香茶丑待我嘗一嘗淨爭吃各

一路風光應接不暇
舉頭一望已近行宮
廟有觀止之恐恰合此時神理

吐介。呸。稀苦的。吃他怎麼。小生作收介罷了。大家再
往前去。行介。合。蜂蝶閑相趁。柳迎花引。望龍樓倒。寫
曲江將近。

小生爭先下丑。弔場叫介。你們等我一等。阿呀。尿
急了。且在這里打箇沙窩兒去。下。老旦貼繡引院
子梅香行上。

漿水令。撲衣香。花香亂熏。雜鶯聲笑。聲細聞。看楊花
雪落。覆白蘋。雙雙青鳥。銜隨紅巾。春光好。過二分。遲
遲。麗日催。早進院。寡夫人到曲江了。老旦丞相爺在
那里。院萬歲爺在望春宮。丞相爺先到那邊去了。老

起用力士傳音收
用力士口粉前後
理處亦見章法絕
容防而不亂

張承吉詩本合風
折用作熱中囑語
語更覺入神然偷
得一字見就同於
張自招侮也

且雜貼作下車介你看果然好屋景也環曲岸環曲
岸紅酣綠勾臨曲水臨曲水柳細蒲新

丑引小內侍控馬上勅傳玉勒桃花馬騎坐金泥
蛺蝶裏見介皇上口勅韓泰二國夫人賜宴別殿

號國夫人即令乘馬入宮陪楊娘娘飲宴老旦雜

貼跪介萬歲起介丑向貼介就請夫人上馬貼

尾聲內家官催何緊姐姐姊妹偏背了春風獨近老

旦雜不相你淡掃蛾眉朝至尊

貼乘馬丑引上雜你看裴家姐姐竟自揚鞭去了

老旦且自由他梅香請夫人別殿裏上宴

賁妃道幸未幾即
以趙國沐恩一事
尋為忠烈者歿
其情愛易移矣不
知未幾離別則歡
好雖濃習而不覺
傷意中人去終處
傷心必得之而後
快始見釋情之至
所謂佳人難再得
生別死離其致一
也力士與永娘傍
觀因論不吉貴妃
亦自快出明是有
情耳

紅桃碧柳禊堂春

卷老
則巨

一種佳遊事也均

壽

難願奉聖情歡不極

武平

合向風偏笑艷陽人

裴

傍訝 丑上

中呂 纓纓金歡遊罷駕歸來西宮因箇甚惱君懷敢
過曲 為春筵畔風流魑魅怎一場樂事陡成乖教人好疑
怪教人好疑怪

前日萬歲爺同楊娘娘遊幸曲江歡天喜地不想
昨日娘娘忽然先自回宮萬歲爺今日纔回聖情
十分不悅未知何故遠遠望見永新姐來了咱試
問他老旦上

始也引進同類繼
也戒忌相戕女子
小人同一機構

前腔官幃事費安排雲翻和雨覆慕地開陽臺丑見
介永新姐來得恰好我問你萬歲爺爲何不到楊娘
娘官中去老唉公公你還不知麼兩下參商後粧么
作態丑爲着甚來老只爲並頭蓮傍有一枝開丑是
那一枝呢老笑介公公你聰明人自叅解聰明人自
叅解

丑笑介咱那里得知永新姐你可說與我聽老若
說此事原是我娘娘自己惹下的丑爲何老只爲
娘娘把那號國夫人呵

剔銀燈常則向君前喝采收梳淡天然無賽那日在

長生殿上

望春宮教萬歲召他侍宴三杯之後便暗中築座連環寨哄結上同心羅帶丑拍手笑介阿呀咱也疑心有此却為何煩惱哩老後來娘娘恐怕奪了恩寵因此上嫌猜恩情頓乖熱打對鴛鴦散開

〔丑〕原來號國夫人在望春宮有了言語纔回去的老便是那號國夫人去時我娘娘不曾留得萬歲爺好生不快今日竟不進西宮去了娘娘在那里只是哭哩丑咱想楊娘娘呵

前腔嬌癡性天生忒利害前時逼得箇楊娘娘直遷置樓東無奈如今這號國夫人是自家的妹子須知

婦人富抑鬱時弱
有動人以哭強者
婦人以死無他技
在官閨中死不足
云惜有哭耳
力士引楊妃比數
親妹是防國平心
諸侯之國亦引
此妃之弟亦引

恩愛則推掉不知
正是非人出脫自
已處
再問則就倚貴上
楊發不平之語所
謂言者心之聲也
不自覺由中而露

呵。新來倚貴添尊重。老旦不知皇上與他怎生恩愛。
貼。春宵裏春宵裏比目兒和同誰知得雨雲蹤。老旦
難道一些不覺貼。只見玉環妹妹的性兒越發驕縱
了些。細窺他箇中。漫叅他意中。使慣嬌憨。慣使嬌憨。
尋。癡索綻一謎兒。自逞心胸。

老旦。他自小性兒是這般的。妹妹你還該勸他纔。
是貼。那箇耐煩勸他。

前腔。換。老旦。他情性多驕縱。恃天生百樣玲瓏。姊妹
行且休傍作誦。况他近日呵。昭陽內。昭陽內。一人獨
占三千寵。問阿誰能與競雌雄。貼。誰與他爭。只是他

長生殿上

三

雖是說國妬語亦
見事幾先兆
同一語而略更數
字口吻各別一悉
噴更定有兩人
情事

如此性兒恐怕君心不測老旦起背介細聽裴家妹
子之言必有緣故細窺他箇中漫叅他意中使恁驕
嗔恁使驕嗔藏頭露尾敢別有一段心胸

末上意外聞嚴育堂前報貴人見介稟夫人不好
了貴妃娘娘忤旨聖上大怒命高公公送歸丞相
府中了老旦驚介有這等事貼我說這般心性定
然惹下事來老旦雖然如此我與你姊妹之情且
是關係大家榮辱須索前去看他纔是貼正是就
請同行老旦

尾聲忽聞嚴譴心驚恐貼整香車同探吉凶姊妹那

台語在說國是冷
笑在韓國是熱扇
若單作就國語反
不慈承矣

玉環姊妹可不被梅妃笑殺也合倒不如冷淡梅花
仍開紫禁中

傳聞闕下降絲綸

製

出得朱門入戟門

對

貼

何必君恩能獨久

有相宜

可憐榮落在朝昏

寄

獻髮

副淨急上

天有不測風雲人有旦夕禍福下官楊國忠自從
妹子冊立貴妃權勢日盛不想今早忽傳貴妃忤
旨被謫出宮命高內監單車送到門來未知何故
好生驚駭且到門前迎接去暫下丑引旦乘車上
望吾鄉無定君心恩光那處尋蛾眉忽地遭擯

仙呂過曲

望吾鄉無定君心恩光那處尋蛾眉忽地遭擯

長生殿上

三

妬寵之時惟恐入
長門永巷及宮車
納遣并欲求長門
永巷而不可得此
種傷心直是不堪
回首

竇思量就裏知他怎棄擲何偏甚長門隔永巷深回
首處愁難禁

副淨上跪接介臣楊國忠迎接娘娘丑丞相快請

娘娘進府咱家還有話說副院子分付丫鬟每迎

接娘娘到後堂去了鬟上扶旦下車擁下副淨揖

丑介老公公請坐不知此事因何而起丑娘娘呵

一封書君王寵最深冠椒房專侍寢昨日呵無端忤

聖心驟然間商與參丞相不要怪咱家多口娘娘呵

生性嬌癡多習慣未免嫌疑生抱盒副淨如今謫遣

出來怎生是好丑丞相且到朝門謝罪相機而行副

謝罪之舉必不可
少國忠未必想到
力士言之可見侍

潘權曰平日文結
之密又可見小人
失志一時骨脊之
情

南遊駭謠猶含望
幸之心更多不測
之處此驚魂所以
未定也

淨老公公全仗你進規箴悟當今丑這箇自然合管
重取官花入上林

丑就此告別副淨下官同行向內介分付丫鬟好
生伺候娘娘內應介副淨烏鴉與喜鵲同行吉凶
事全然未保同丑下丑引梅香上

中呂行香子乍山宮門未定驚魂漬愁粧滿面啼痕
其間心事多少難論但惜芳容憐薄命憶深恩

君恩如水付東流得寵憂移失寵愁莫向樽前奏
花落涼風只在殿西頭我楊玉環自人宮闈過蒙
寵眷只道君心可托百歲爲歡誰想妾命不猶一

長生殿上

三

春明門外即天涯
亦是此意從來
願家婦還客近
同一涕淚

羅衣拂拭勝于
飯不忘矣大凡
幸之人當失意
悲時與忘愛者
別惟公私不同
餘曰首句七字
謂也猶是二字
謂下曲亦然
言又不好明言
枝一喻感情如

朝逢怒遂致促駕官車放歸私第金門一出如隔
九天淚介天那禁中明月永無照影之期花外飛
花已絕上枝之望撫躬自悼掩袂徒嗟好生傷感
人也

中呂榴花泣石榴羅衣拂拭猶是御香熏向何處謝
前恩想春遊春從曉和昏泣顏豈知有斷雨殘雲我
含嬌帶嗔往常間他百樣相依順不隄防爲着橫枝
陡然把連理輕分

了鬟此間可有那里望見宮中梅前面御書樓上
西北望去便是宮牆了旦你隨我樓上去來梅曉

道焉未出痴心直
是痴切
怨極呼天非謂天
使之也紅顏未落
情愛先移必有所
以致之者一使字
中含無限悔恨之
意此字獨另安之
歡為然也思等
幸口氣重皆此
有以道之故北聖
帝訓以訓其上
人而惜燕處禍之
心若于微幸也丹
鳳二句即前驚魂

得且登樓公西宮渺不見腸斷一登樓梅指介娘
娘這一帶黃設設的琉璃瓦不是九重宮殿麼且
作淚介

前腔凭高灑淚遙望九重閣咫尺裏隔紅雲歎昨宵
還是鳳幃人冀同心重與溫存天平太忍未白頭先
使君恩盡梅指介呀遠遠望見一箇公公騎馬而來
敢是召娘娘哩且歎介料非他丹鳳銜書多又恐烏
鴉傳信

旦下梅介丑上暗將懷舊意報與失歡人見介高
力士叩見娘娘旦高力士你來怎處丑奴婢恰纔

長生殿上

西

不定意

先將珠簾一輛引
出夢裏欲訪朱芳
之開又作山崩頓
跌交心持其顛蕩
徐曰此詞舊註多
訛今本正之
做四句乃小兒俗
語非月不同

覆旨萬歲爺細問娘娘回府光景似有悔心現今
獨坐宮中長吁短歎一定是思想娘娘因此特來
報知且唉那里還想着我丑奴婢愚不諫賢娘娘
未可太執意了倘有甚麼東西付與奴婢乘間進
上或者感動聖心也未可知且高力士你教我進
什麼東西去好想介

喜漁燈犯魚思將何物傳情悃可感動君我想一
身之外皆君所賜算只有愁淚千行作珍珠亂滾又
難穿成金縷把雕盤進魚有了魚這一縷青絲香
潤會共君枕上並頭相偎襯曾對君鏡裏掠雲了魚

苦語急語能道人
淚亦猶爾受之恩
易了感動也

取鏡臺金剪過來梅應取上介旦解髮介改頭髮頭
髮漁家可憐你伴我芳年剪去心兒未忍只爲欲表
我衷腸作剪髮介剪去心兒自憫作執髮起哭介頭
髮頭髮喜漁全仗你寄我殷勤拜介我那聖上呵奴
身止髮髮數根這便是我的殘絲斷魂

起介高力士你將去與我轉奏聖上哭介說妾罪
該萬死此生此世不能再覩天顏謹獻此髮以表
依戀升跪接髮搭肩上介娘娘請免愁煩奴婢就
此去了好憑縷綫青絲髮重結雙雙白首緣下旦
坐哭介老旦貼上

徐曰此詞舊名瓦
魚燈並書信舊語
以一從分故一曲
為瓦盆兒也不知
誰所撰在耳時曲
又將宋正位係未
確小片定之

后賢能到半聯生
誰總是怨毒語

因被國一問又作
正位相規規仍世
誠是也無辜

榴花燈犯

新銀

聽說是貴妃妹忤君

石榴

聽說是返

家門

晉天

聽說是失勢兄憂悶聽說是中官至未審

何云進介貴妃娘娘那里楊韓號二國夫人到了且

作笑不語介老旦貼見介老旦貴妃請免愁煩同哭

介貼前日在望春宮皇上十分歡喜為何忽有此變

漁家

我只道萬歲千秋歡無語

尾犯

我只道任伊行

笑聲

石榴

我只道縱差池誰和你評論老旦裏家妹

子

錦纏

休只管閑言絮陳貴妃你逢薄怒其中有甚

恨因

且作不理介貼貴妃你莫怪我說

別銀

自來寵

多生嫌釁可知道秋葉君恩恁為人念趨承至尊老

徐曰：「上句或云：『他石橋夜不如作。』」

賈氏因說劇而見，
神心事本不可言，
又遭我國訛謠，
已無言可若，
怒怨與悔百端交，
筆結語足以括之。

旦

雁過聲

姊妹每情切來相問，為甚麼耳畔噤噤總

似不聞旦

尾聲秋風團扇原吾分，多謝連枝特過存。總有萬語

千言，只在心上付。

竟下貼姊姊，你看這箇樣子，如何使得？老旦正是

我每特來看他，他心上有事，竟自進房去了。妹子，

你再到望春宮，時休要學他貼羞介。

今朝忽見下天門

紫

老旦

相對那能不愴神

紫

貼冷眼靜看真好笑

紫

旦

中含芒刺欲傷人

紫

復召

生上

長生殿上

三

言無可生情不能
支力士早有以類
之矣

此種愛恋要是前
所無男子到此愈
益痴迷非開席色
也

屈定日遇鳥鵲花
影地寫寂寥光景
與貴妃在宮繁盛
之狀不同而又以

南呂虞美人無端惹起閒煩惱有話將誰告此情已
引子自費支持怪殺鸚哥不住向人提

輦路生春草上林花滿枝凭高何限意無復侍臣
知寡人昨因楊妃嬌妬心中不忿一時失計將他
遣出誰想佳人難得自他去後觸目總是生憎對
景無非惹恨那楊國忠入朝謝罪寡人也無顏見
他嘆介咳欲待召取回宮却又難於出口若是不
召他來教朕怎生消遣好刑罰不下也

南呂十樣錦兒春風靜宮簾半啟難消日影遲遲
聽好鳥猶作歡聲覩新花似鬪容輝追悔
春悔殺

到這情起時轉
婉折

意中人去事事
非何況徒起後官
宜乎觸怒寫有心
事人如毒

咱一刻兒粗疎不解他十分的嬌媚枉負了憐香惜
玉那些情致副淨扮內監上膾下玉盤紅縷細酒開
金甌綠醕濃跪見介請萬歲爺上膳生不應介副淨
又請介生惱介陡誰着你請來副淨萬歲爺自清晨
不曾進膳後宮傳催排膳伺候上陡甚麼後宮叫內
侍二內侍應上生揣這廚去打一百發入淨軍所去
內侍領旨同掄副淨下生哎朕在此想念妃子却被
這厮來攪亂一番好煩惱也降黃龍思伊縱有天上
瓊漿海外珍饈知他甚般滋味除非可意立向跟前
方慰調饑淨扮內監上尊前綺席陳歌舞花外紅樓

稍點慧人心事被
人道看便能過詞
動變況官家思示
人以不測者乎此
此二點指言秀恩
合之力士善于究
轉致知退迎君細
大非易事也

月上搭髮見千本
海此時方上霞破

列管絃見跪介請萬歲爺沉香亭上飲宴聽賞梨園
新樂生唳說甚沉香亭好江淨叩頭介非千奴婢之
事是太子諸王說萬歲爺心緒不快特請消遣生唳
我心緒有何不快叫內侍內侍應上生攜這廚去打
一百發人惜薪司當火者去內侍領旨同揣淨下生
內侍過來內侍應上生着你二人看守宮門不許一
人擅入違者重打內侍領旨作立前場介生喚朕此
時有甚心情還去聽歌飲酒醉太想亭際憑闌仍是
玉闌干問新粧有誰同倚就有新聲嘖知音人近他
鵲絃絕響我玉笛羞吹丑肩搭髮上流溪離別悲相

上意正欲其見而
問之故不爲函藏
亦不嫌磨突也
從旁悉透二語如
見小人得意之狀

親物懷人卽無情
草色亦關情如此

中內侍私出相
府取髮最難措詞
上還今明星補叙

思意兩下里抹媚誰知我從旁悉透箇中機要打合
鸞凰在一處飛見內侍介萬歲爺在那里內侍獨自
坐在官中丑欲入內侍攔介丑你怎麼攔阻咱家內
侍萬歲爺十分着惱把進膳的連打了兩箇特着我
每看守宮門不許一人擅入丑原來如此咱家且候
着庄朕委無聊賴且到宮門外閑步片刻行介看一
帶瑤階依然芳草齊不見蹴襪珠履追隨丑望介
萬歲爺出來了咱且閃在門外覷箇機會虛下卽上
聽介生寡人在此思念妃子不知妃子又怎生思念
寡人哩早間問高力士他說妃子出去淚眼不乾教

覆當時問答正苦
不知妃子消息又
怪力士不在左右
而力士適以髮遮
自然迎刃而解不
暇更詰致髮之由
凡事總不可無機
會也

山口答出楊娘娘
此方士迎候之妙
也若先將髮髮
似明皇便不登臨
矣

前比武裝或惱或
悲皆為無妃子消
息也故一見髮而
振笑再觀髮而怒
哭終盡一時沉亂

楊妃祓髮飲以身
慰也明皇又比髮
到日已身上情愈
悲切

朕寸心如割這半日間無從再知消息高力士這厮
也竟不到朕跟前好生可惡丑見介奴婢在這里生
作看丑介生高力士你肩上搭的甚麼東西丑是楊
娘娘的頭髮生笑介什麼頭髮丑娘娘說道自恨愚
昧上忤聖心罪應萬死今生今世不能勾再觀天顏
特剪下這頭髮着奴婢獻上萬歲爺以表依戀之意
獻髮介生執髮看哭介哎喲我那妃子呵（啄木）記前
宵枕邊聞香氣到今朝剪却和愁寄覲青絲腸斷魂
迷想寡人與妃子恩情中斷就似這頭髮也一要哀
落金刀長辭雲鬢丑萬歲爺（鮑老）請休悽悽奴婢想

力士之言看得反
汗甚易亦自媿媿
可聽足以惕敵

按人欺瞞君父類
以人不知為辭作
極耳盜鈴之事真
可嘆也
一笑寧願與希透
錫中相應力士成
竹在胸直弄明皇
于股掌之上

楊娘娘既蒙恩幸萬歲爺何惜宮中片席之地乃使
淪落外邊春風膏教天上回名花便從苑外移生作
想介只是寡人已經放出怎好召還丑有罪放出悔
過召還正是聖主如天之度生點頭介丑况今早單
車送出纔是黎明此時天色已暮開了安慶坊從太
華宅而入外人誰得知之叩頭介乞鑒原賜迎歸無
淹滯穩情取一笑愁城自解圍生高力士就着你迎
取貴妃回宮便了丑領旨下生咳妃子來時教寡人
怎生相見也下小喜得玉人歸矣又愁他慣嬌嗔背
面啼那時將何言語飾前非罷罷這原是寡人不是

貴妃寵冠六宮
意忽遇橫斥及其
出居府第又豈意
即奉賜環一日之
間一宮之中一人
之身而幾倍頓易
凡世間一切升沉
禍生于不察舉出
于不虞俱是如此

古人居安則思危
履險則如夷若遇
急難而悔文者及
處宴安未有不戾
恣也

拚把百般親媚酬他半日分離丑同內侍宮女紗燈

引旦上（雙聲）香車曳香車曳穿過了宮槐翠紗籠對

紗籠對掩映着宮花麗（內侍宮女下）丑進報介楊娘

娘到了（生）快宣進來（丑）領旨楊娘娘有宣旦進見介

臣妾楊氏見駕死罪死罪俯伏介（生）平身（丑）下旦

跪泣介臣妾無狀上干天譴今得重覩聖顏死亦瞑

目（生）同泣介妃子何出此言旦（玉漏）念臣妾如山罪

累荷皇恩如天容庇今自艾願承魚貫敢妬蛾眉

生扶旦起介寡人一時錯見從前的話不必再提

了旦泣起介萬歲生携旦手與旦拭淚介

男歡不敵女歡
不敵帝王侯愛
不常能識相思
者辭矣況天子
明皇能于離合
際領會悲歡宜
為雙星所取也
點明西宮前了
春舊屋後散翠
新爭

徐曰凡傳奇中
北合則則于舞
上標南北字以
之若全用北曲
不必另標今諸
于全泰北曲首
標一北字非林

尾聲從今識破愁滋味。這恩情更添十倍。我且
把這一日相思訴與伊。

宮娥上西宮宴備請萬歲爺娘娘上宴。

陶出真情酒滿尊。生此心從此更何言。權

別離不慣無窮憶。旦重入椒房拭淚痕。權

疑識外扮郭子儀將巾佩劍上

壯懷磊落有誰知。一劍防身且自隨。整頓乾坤濟
時了。那回方表是男兒。自家姓郭名子儀。本貫華
州鄭縣人氏。學成韜畧。腹滿經綸。要思量做一箇
頂天立地的男兒。幹一樁定國安邦的事業。今以

長生殿上

三

外戚婦奢弄兒翁
寵從郭帥眼中寫
出此史家補筆法
也更入李邕周預
詩見山野居士預
識禍機而處朝堂
者泄泄不覺問中
便出問係下曲堂
問處燕二句正是
此意
起語籠蓋一切便
是家兒氣象
徐曰首句及第七
句皆七字律用仄
平仄平平上去上末
二字或用上去便
非此皆甚叶
生不富風雲之際
老却何限豪傑乘
陰數句千古同感

予儀非端酒者概
世獨謂借杯以澆

武舉出身到京謁選正值楊國忠竊弄威權安祿
山濫膺寵眷把一箇朝綱看看弄得不成模樣了
似俺郭子儀未得一官半職不知何時纔得替朝
廷出力也呵

商調集賢賓論男兒壯懷須自吐肯空向杞天呼笑
他每似堂間處燕有誰曾屋上瞻烏不隄防柰虎樊
熊任縱橫社鼠城狐幾回家聽雞鳴起身獨夜舞想
古來多少乘除顯得箇勲名垂宇宙不爭便姓字老
樵漁

且到長安市上買醉一回行科

吳昌齡如此寫得
悲憤
徐曰曾遭逆旅伴
居別處供去上聲
楚大上去聲供妙

逍遙樂何天街徐步暫遣牢騷聊寬逆旅俺則見來
往紛如開昏昏似醉漢難扶那里有獨醒行吟楚大
夫俺郭子儀呵待覓箇同心伴侶悵釣魚人去射虎
人遙屠狗人無

下丑扮酒保上我家酒舖十分高罰誓無賒掛酒
標只要有錢憑你飲無錢滴水也難消小子是這
長安市上新豐館大酒樓一箇小二哥的便是俺
這酒樓在東西兩市中間往來十分熱鬧凡是京
城內外王孫公子官員市戶軍民百姓沒一箇不
到俺樓上來吃三杯也有吃寡酒的吃素酒的買

徐曰第三句酒人
酒字妙在仄聲高
協調若用平聲豈
不索然

壁畫醉仙舉目即
見李邕周顒詩係
細字故後起視始
觀之正是遙相照
映處

酒去的包酒來的打發箇不了道猶未了又一箇
吃酒的來也外行上

上京馬遙望見綠楊斜靠畫樓隅滴溜溜一片青帘
風外舞怎得箇燕市酒人來共沽喚科酒家有麼丑
迎科客官請樓上坐外作上樓科是好一座酒樓也
做軒窓日朗風疎見四週遭粉壁上都畫着醉仙圖
丑客官自飲還是待客外獨飲三杯有好酒呵取
來丑有好酒取酒上科酒在此內叫科小二哥這
里來丑應忙下外飲酒科

稻葉兒俺非是愛酒的閨陶令也不學使酒的莽灌

街市喧呼即千曲
中引起下喧鬧二
段

夫一謎價痛飲興豪釐撐着這醒眼兒誰做保問醉
鄉深可容得吾聽街市恁喧呼偏冷落高陽酒徒

作起看科老旦扮內監副淨末淨扮官各吉服雜
捧金幣牽羊擔酒隨行上繞場下丑捧酒上客官
熱酒在此外酒保我問你咱這樓前那些官員是
往何處去來丑客官你一面吃酒我一面告訴你
波只爲國舅楊丞相并韓國號國秦國三位夫人
萬歲爺各賜造新第在這宣陽里中四家府門相
連俱照大內一般造法這一家造來要勝似那一
家的那一家造來又要賽過這一家的若見那家

徐曰借稱去上聲
上木上去聲俱妙
折字叶音者義取
屈折不可讀作舌
音若作舌則是斷
折我不可通矣且此
字不可作平聲
以當局無人越言
反朕起旁則有人
題壁

造得華麗這家便拆毀了重新再造定要與那家
一樣方纔住手一座廳堂足費上千萬貫錢鈔今
日完工因此今朝大小官員都備了羊酒禮物前
往各家稱賀打從這裏過去外驚科哦有這等事
丑待我再去看熱酒來波下外嘆科呀外戚寵盛
到這箇地位如何是了也

醋葫蘆怪私家恁僭竊就豪奢誇土木一班兒公卿
甘作折腰趨爭向權門如市附再沒有一箇人呵把
輿情向九重分訴可知他朱甍碧瓦總是血膏塗
起科心中一時忿懣不覺酒湧上來且向四壁閉

青宮燕閣中掃李
廷周冷灰一詩文
情更覺生動

徐曰首二句俱在
作五字亦元人語
也

郭帥看詩惟作疑
訝之語並不以詩
見安為情懷習澤
易沉正合英雅本
色

看一回作看科這壁廂細字數行有人題的詩句
我試覷波作看念科燕市人皆去兩聞馬不歸若
逢山下鬼環上繫羅衣呀這詩是好奇怪也

么篇我這里停睛一直看從頭兒逐句讀細端詳詩
意少禎符且看是什麼人題的又看念科李遐周題
作想科李遐周這名字好生識熟哦是了我聞得有
箇術士李遐周能知過去未來必定就是他了多則
是就裏難言藏識語猜詩謎杜家何處早難道醉來
牆上信筆亂鴉塗

內作喧鬧科外喚科酒保那里丑上客官做甚麼

張曲江語下妨
用先機思患天下
有識者所見畧同
也

張曲江語下妨
用先機思患天下
有識者所見畧同
也

外樓下爲何又這般喧鬧丑客官你靠着這窓兒
往下看去就是外看科淨王服騎馬頭踏職事前
導引上繞場行下科外那是何人丑笑指科客官
你不見他那箇大肚皮麼這人姓安名祿山萬歲
爺十分寵愛他把御座的金雞步障都賜與他坐
過今日又封他做東平郡王方纔謝恩出朝賜歸
東華門外新第打從這里經過外驚怒科呀這這
就是安祿山麼有何功勞遽封王爵唉我看這厮
而有反相亂天下者必此人也

金菊香

見了這野心雜種牧羊的奴料蜂目豺聲定

禽獸字相貫串與
首曲中數相同
除曰第三句是務
頭對換二字平仄
不拘引來二字必
用仄平原內居三
字用上去平協調
之苦

是狡徒。怎把箇野狼引來屋裏居。怕不將題壁詩符。
更和那私門貴戚。一例逞妖狐。

〔丑客官爲甚事這般着惱來外〕

柳燕兒。改不由人冷颼颼。衝冠髮豎。熱烘烘氣夯胸。
哺咕噹噹。把腰間寶劍頻頻覷。〔丑客官請息怒。再與
我消一壺波外〕呀。便教俺傾千盞。飲盡了百壺。怎把
這重沉沉。一箇愁擔兒消除。

〔作起身科不吃酒了收了這酒錢去者丑作收科
別人來三杯和萬事。這客官一氣惹千愁。〔外作
下樓轉行科我且回到寓中去波。〕

萬感並生眼昏耳
熱不覺已到客館
而獨立海邊惟見
斜陽在地此景長
是不堪
徐曰此詞即離胡
處一詞二名耳蓋
以此詞用于中間
則名詞胡處以之
作新則名浪來里
也坊刻作浪里來
誤

徐曰此詞用于浪
下根之後即用浪
來里水則虛破其

浪來裏見着那一格格傷心的時事遲湊着那一句
句感時的詩識伏怕天心意兩難摸好教俺費沉
吟跼踖地將眉對蹙看滿地斜陽欲暮到蕭條客館
兀自意躊躇

作到寓進坐科副淨扮家將上見科稟爺朝報到
來外看科兵部一本為除授官員事奉聖旨郭子
儀授為天德軍使欽此原來旨意已下索早收拾
行李即日上任去者副淨應科外俺郭子儀雖則
官卑職小便可從此報効朝廷也呵

高過隨調煞赤緊似尺水中展鰲鱗枳棘中拂毛羽

過也
所為之所謂高

徐曰北套本無下
場詩作者家詠川
集唐故皆有詩也

逗起霓裳仙樂便
非洗淨

且喜奮雲霄有分上天衢直待的把乾坤重整頓將
百千秋第一等勲業圖縱有妖氛孽蠱少不得肩擔
日月手把大唐扶

馬蹄空踏幾年塵

韜

長是豪家據要津

盟

卑散自應霄漢隔

是

不知憂國是何人

盟

聞樂

老旦扮嫦娥引仙女上

南呂步蟾宮清光獨把良宵占經萬古纖塵不染散
引子瑤空風露灑銀蟾一派仙音微颺

藥搗長生離劫塵清妍面目本來真雲中細看天
香落仍倚蒼蒼桂一輪吾乃嫦娥是也本屬太陰

人間天上一切有
為法皆非無因王
境惟可到月宮重
聽仙樂故能記憶
百無在根而強欲
求仙亦見漢武徒
自費耳

之主浪傳后羿之妻七寶團圓周三萬六千年內
一輪皎潔滿一千二百里中玉兔金蟾產結長明
至寶白榆丹桂種成萬古奇葩向有霓裳羽衣仙
樂一部久秘月宮未傳人世今下界唐天子知音
好樂他妃子楊玉環前身原是蓬萊玉妃曾經到
此不免召他夢覓重聽此曲使其醒來記憶譜入
管絃竟將天上仙音留作人間佳話却不是好寒
黃過來貼有老旦你可到唐宮之內引楊玉環夢
覓到此聽曲曲終之後仍舊送回貼領首老旦好
憑一枕遊仙夢暗授千秋法曲首引丑下貼奉着

此曲自月府下至人間後錦魚燈曲自宮中上至月府情景各異奉寫宛然

小步句與海雲句皆舊

臥榻前忽聞叫喚又無宮娥通報自起開簾寫出睡夢迷離光景

娘娘之命不免出了月官到唐官中走一遭也行

介

南呂梁州序犯本調明河斜映繁星微閃俛將塵世遙

覘只見空濛香霧早離却玉府清嚴一任珮搖風影

衣動霞光小步紅雲墊待將天上樂授官簪密召芳

魂入彩蟾來此已是唐官之內賀新你看魚鰐閉龍

帷掩那楊妃呵似海棠睡足增嬌豔本序輕喚起擁

冰簟

喚介楊娘娘起來旦扮夢中覓上

漁燈兒恰纔的追涼後雨困雲淹暢好是酣眠處粉

妙脈黃黏用道素
經交則粉退蜂交
則黃退

徐曰此套自西順
聽琴以北坡南作
者紛紜頗多落個
惟此青節悉叶一

造涼綺處感照
合時景後即以作
更寒涼轉入月宮
草蛇反線絕無形
迹

膩黃黏貼娘娘有請旦呀深宮之內簷下何人叫喚
悄沒個宮娥報輕來盡簷貼娘娘快請旦作倦態欠
身介我嬌怯怯朦朧身欠慢騰騰待自起開簾

作出見貼介呀原來是一箇宮人貼

前腔俺不是隸長門帶奉曾嫌旦不是宮人敢是別
院的美人貼俺不是列昭容御座曾瞻旦這等你是
何人貼兄家月中侍兒名喚寒簧則俺的名在瑤宮
月殿僉旦驚介原來是月中仙子何因到此貼恰纔
奉姐娥口勅親傳點請娘娘到桂宮中花下銷炎
旦哦有這等事貼娘娘不必遲疑兄家引導就請

同行引旦行介合

錦漁燈指碧落足下雲生冉冉步青霄聽耳中風弄
纖纖乍凝眸星斗垂垂似可拈半望見爛輝輝宮殿
影在鏡中潛

旦呀時當仲夏爲何這般寒冷貼此卽太陰月府
人間所傳廣寒宮者是也就請進去旦喜介想我
濁質凡姿今夕得到月府好僥倖也作進看介

錦上花清遊勝滿意欣想介這些景物都似曾見過
來環玉砌繞碧簷依稀風景漫猜嫌那壁桂花開的
恁早貼此乃月中丹桂四時常茂花葉俱香旦看介

先用丹桂點染一
層然後轉出雲霧
法開文情不致而

月宮仙娥

果然好花也。看不足。喜更添。金英綴翠葉。兼氤氲芳氣。透衣縑。人在桂陰潛。

〔丙作樂介〕旦你看一羣仙女。素衣紅裳。從桂樹下奏樂而來。好不美聽。貼此乃霓裳羽衣之曲也。絃

扮仙女四人。六人或八人。白衣紅裙。錦雲肩。瓔珞

飄帶。各奏樂。唱繞場行上。介旦貼旁立看介。〔衆

〕錦中拍。擲天樂花叢。闌拈拂霓裳。露沾迴。隔斷紅塵。

荏苒。直寫出瑤臺清艷。縱吹彈舌尖玉。纖韻添驚不

醒。人間夢覺。停不駐。天宮漏籤一枕遊仙曲。終聞鹽

付知音重翻檢。

此非霓裳本曲也。乃曲尾校意。脂謀楊妃使之回光返照。爲後邊仙之地。而且留本曲于重。同折數折。以免複。終有便倒新押險。前無不備。

又顧重意

突然若失自愧不
知正寫楊妃嬌妬
之念發夢不忘與
仙緣向遠也此意
深與劉炎所思

李氏之山態修竹
自及其翠也一聯
而至此寫楊妃回
又自其夢中歸
路更清

同下旦妙哉此樂清高宛轉感我心寬真非人間
所有也

錦後拍縹緲中簇仙姿宛曾覩聽徹清音意厭厭數
琳瑯琬琰數琳瑯琬琰一字字偷將鳳鞋輕點按宮
商指記指兒尖暈羞臉枉自許舞嬌歌艷比着這釣
天雅奏多是歉

請問仙子願求月至一見貼要見月至還早天色
漸明請娘返回宮去罷

尾聲你攀蟾有路應相念旦好記取新聲無欠貼只
悞了你把枕上君王半夜兒閃

作寒貧送歸自天
而下不但身境不
然亦前後拖沓了
無文致矣

徐曰慢捲晶簾四
字仄仄平平最
妙今人多倒用矣

且下貼楊妃已回唐宮我索向月至娘娘覆旨則
簡

碧瓦桐軒月殿開

還將明月送君回

丁仙芝

鈞天雖許人間聽

却被人間更漏催

葛希

製譜 老旦上

仙呂 醉羅歌

醉扶西宮纔奉傳呼罷安排水榭要清

佳慢捲晶簾散朝霞玉鈞却映初陽掛奴家永新是

也與念奴妹子同在西宮承應貴妃楊娘娘我娘娘

再入宮闈萬歲爺更加恩幸其乃三千寵愛在一身

六宮粉黛無顏色今早娘娘分付收拾荷亭要製曲

遊却念奴場上便
覺新眼

參差叶麻韻見晚
唐人詩

詩句照映永新白
內曉梳亦非汎用

譜念奴妹子在那里伏侍曉粧奴家先到此間不免
將文房四寶擺設起來皂羅你看筆牀初拂光分素
割硯池新注香浮墨華綠陰深處多幽雅排歌竹風
引荷露灑對波紋簾影弄參差

呀蘭麝香飄珮環風定娘娘早則到也旦引貼上
正宮引子新荷葉幽夢清宵度月華聽覓裳羽衣歌罷醒
來音節記無差擬翻新譜銷長夏

圖畫長眉翠淡濃遠山移入鏡當中曉窓日射
脂頰一朶紅酥旋欲融我楊玉環自從截髮感君
之後荷寵彌深只有梅妃驚鴻一舞聖上時常誇

長生殿上

三

徐曰舊譜疑此調
首句不似剔子序
而謂其犯別調不
知剔子序亦有五
字起者古曲金殿
鎖鴛鴦一曲足証
也又拍亦念下四
字俗以爲犯玉夾
衫而金殿鎖鴛鴦
格原有此四字句

獎思欲另製一曲掩出其上正在推敲昨夜忽然

夢入月宮見桂樹之下仙女數人素衣紅裳奏樂

甚美醒來追憶音節宛然因此分付永新收拾荷

亭只待細配宮商譜成新曲

老旦啟娘娘線墨筆

視已安排齊備了

旦你與念奴一同在此伺候

旦貼應作打扇添香介

旦作製譜介

正宮

剔子帶芙蓉

剔子

荷氣滿窓紗鸞牋慢伸犀管

輕拏待譜他月裏清音細吐我心上靈芽這聲調雖

出月宮其間轉移過度細微曲折之處須索自加細

審安插一字字要調停如法一段段須融和入化這

法觀下三曲止
帶芙蓉一句可
見
聖人師萬物仙樂
何賜不然驚一
所故靈妙

幾聲尚欠調勻拍余怎下丙作鶯啼且執筆聽介呀

妙阿作改介玉芙蓉聽宮鶯數聲恰好應紅牙

閑筆介譜已製完永新是什麼時候了老旦响午

了旦萬歲爺可會退朝老旦尚未旦永新且隨我

更衣去來念奴在此伺候萬歲爺到時即忙通報

貼領肯旦好憑晚鏡增蛾翠漫試香紗換蝶衣引

老旦隨下生行上

漁燈映芙蓉山漁散千官朝初罷擬對玉人長晝閑

話寡人方纔回宮聽說妃子在荷亭上因此一徑前

來依流水待覓胡麻把銀塘路踏作到介貼見介呀

長生殿上

聖

退朝至荷亭先見
童兒引出念奴之
對一路屑屑不爽
曲亦漸近自然

先安頓貴妃更承
然後明皇看諸葛
近索贊嘆之意方
得盡致并後文貴
妃同此一畫更加
荷承

萬歲爺到了生念奴你娘娘在何處悶歡耍怎堆香
凡有筆硯交加貼娘娘在此製譜方纔更衣去了生
妃子妃子美人韻事被你都占盡也但不知製甚曲
譜待寡人看來作坐翻看介消詳從頭觀咱妙哉只
這錦字熒熒銀鈎小更度羽換宮沒半米差好奇怪
這譜連寡人也不知道細按音節不是人間所有似
從天下果曲高和寡妃子不要說你娉婷絕世只這
一點靈心有誰及得你來玉美悲聰明也堪壓倒上
陽花

旦換粧引老旦上

普天賞芙蓉

普天樂

換輕粧多幽雅試生綃添瀟灑見

生介臣妾見駕生扶介妃子坐丁坐介生妃子看你

晚粧新試嫵媚益增似迎風裊裊楊枝宛凌波濯濯

蓮花芳蘭一朵斜把雲鬟壓越顯得體兒風流煞且

陛下今日退朝因何恁晚生只爲靈武太守員缺地

方緊要與廷臣議了半日難得其人朕特擢郭子儀

補授此缺因此退朝遲了且妾候陛下不至獨坐荷

亭愛風來一弄明紗閣學譜新聲奏雅玉芙蓉怕輸他

舞鸞鴻曲終滿座有光華

生寡人適見此譜真乃千古奇音鸞鴻何足道也

長生殿上

聖

點明子儀閣且補寫明皇知人善任猶得改之系補是大有關係處明皇愛樂曉粧即補退朝一問隔新仍從妃子口中說出製譜并寫明妃本意曲折入妙

旦委憑臆見草草創成其中錯誤還望陛下更定

生再同妃子細細點勘一番老旦貼暗下生旦並

坐翻譜介

朱奴折芙蓉

朱奴見

倚長袖香肩並亞翻新譜玉纖同

把生妃子似你絕調佳人世真寡要覓破綻並無毫

髮再問妃子此譜何名旦委於昨夜夢入月宮見一

羣仙女奏樂盡着霓裳羽衣意欲取此四字以名此

曲生好箇霓裳羽衣非虛假果合伴天香桂花玉葉

作看旦介覲仙姿想前身原是月中姝

此譜即當宣付梨園但恐俗手伶工未諳其妙照

明皇先問樂名妃子更不推辭即以霓裳羽衣為對蓋此曲傳自月府無可更名而妃子又家為心惜不肯直說曰台如此問答若幸伯為之必同明皇為名彼此推避不後及此增進

展蛇足矣

收合荷亭風景結語雙關尤極雋雅

權倖告君亦未嘗無忠言但意在諷

欲令永新念奴先抄圖譜妃子親自指授然後傳與李龜年等教習梨園子弟却不是好旦領育生携旦起介天已薄暮進宮去來

尾聲晚風吹新月挂旦正一縷涼生鳳榻生妃子你看這池上鴛鴦早雙眠並蒂花

生芙蓉不及美人粧旦楊柳風多水殿涼

旦花下偶然歌一曲旦傳呼法部按霓裳

權闕副淨引祇從上

雙調引子秋蕊香狼子野心難料看跋扈漸肆咆哮挾勢辜恩更堪惱索假忠言入告

感先致黑白混淆
友以釀禍者多矣

下官楊國忠外憑右相之尊內恃貴妃之寵滿朝
文武誰不趨承獨有安祿山這厮外面假作癡愚
肚裏暗藏狡詐不知聖上因甚愛他加封王爵他
竟忘了下官救命之恩每每遇事欺凌出言挺撞
好生可恨前日曾奏聖上說他狼子野心面有反
相恐防日後釀禍怎奈未見聽從今日進朝須索
相機再奏必要黜退了他方快吾意來此已是朝
門左右迴避從下內喝道介副淨呀那邊呵殿之
聲且看是誰淨引祇從上

玉井蓮後寵固君心暗中包藏計狡

積薪之黨賢者不
免祿山如此奚落
國忠自爾椎心欲
絕

安楊對答頗自勁

左右迴避從下。淨見副淨介：請了。副淨笑介：哦，原
來是安祿山。淨：老楊，你叫我怎麼？副淨：這是九重
禁地，你怎敢在此大聲呵噉？淨作勢介：老楊，你看
我脫下御衣，親賜着進來，龍馬每教騎，常承密旨，
趨朝數，獨奏邊機，出殿遲，我做郡王的，便呵噉這
麼一聲，也不妨。比似你右相還早哩。副淨冷笑介：
好好箇不妨。安祿山，我且問你：這般大模大樣，是
幾時起的？淨：下官從來如此。副淨：安祿山，你也還
該自去想一想。淨：想甚麼？副淨：你只想當日來見
我的時節，可是這箇模樣麼？淨：彼一時，此一時，說

長生殿上

聖

他怎的副淨唉安祿山

仙呂入雙調過曲

風入松

你本是刀頭活鬼罪難逃那時節

長跪堦前哀告我封章入奏機關巧纔把你身軀全

保淨赦罪復官出自聖恩與你何涉副淨好倒說得

乾淨只太把良心昧了恩和義付與水萍飄

淨唉楊國忠你可曉得

前腔世間榮落偶相遭休誇着勢壓羣僚你道我失

機之罪可也記得南詔的事麼胡盧提掩敗將功冒

怪浮雲蔽遮天表副淨聖明在上誰敢朦蔽這不是

謗君麼淨還說不朦蔽你賣爵鬻官多少貪財貨竭

居權要者可發深省莫待問長樂鍾聲也

轉落面君文勢極便提

脂膏副淨住了。你道賣官鬻爵只問你的富貴是那
里來的。冷笑介淨也非止這一棒。若論你恃戚里施
奸狡。悞國罪有千條。副淨休得把誣讒語。憑虛造扯
淨介我與你同去面當朝。

淨誰怕你來同去同去。作同扭進朝。俯伏介。副淨
臣楊國忠謹奏。

前腔

本調

祿山異志腹藏刀。外作癡愚容貌奸。同石勒

倚東門嘯。他不拜儲君。公然築寨。這無禮難容聖朝。
望吾皇立賜罷斥。除克惡。早絕禍根苗。

淨伏介。臣安祿山謹奏。

長生殿上

四

福山不楊國忠之
短只以嫌生權要
一味作爲尾乞借
語明皇不覺入其
彀中而山鎮之請
允矣

既謂將相不和矣
不思有以和之而
復使中外相構楊
儀衛明也

前腔念微臣謬荷主恩高遂使嫌生權要思蒙觸忤
知難保泣介陛下呵怕孤立終落他圈套微臣阿寸
心亦只有吾皇鑒昭容出鎮犬馬効微勞內聖旨道
來楊國忠安祿山互相訐奏將相不和難以同朝共
理特命安祿山爲范陽節度使剋期赴鎮謝恩淨副
淨萬歲起介淨向副淨拱手介老丞相下官今日去
了你再休怪我大模大樣朝門內一任你張牙爪我
去開幕府自逍遙副淨冷笑介淨欲下復轉向副淨
介還有一句話兒今日下官出鎮想也仗回天力相
提調舉手介罷了我且將冷眼看伊曹

充怕人嘲笑之心
至欲動搖君父宗
社是可忍也孰不
可忍

下副淨看淨下介呀有這等事

前腔

本調

一腔塊壘怎生消我待把他威風抹倒誰知

反分節鉞添榮耀這話靶教人嘲笑咳但願祿山此
去做出事來方信我忠言最早聖上聖上到此際可
也悔今朝

去邪當斷勿狐疑

別墅

禍稔蕭牆竟不知

歸宗

壯氣未平空咄咄

餘鑑

甘言狡計奈嬌癡

鄭編

偷曲

老旦貼携譜上老旦

仙呂過曲

入聲甘州霓裳譜定貼合向綺窓深處秘本翻

騰香喉玉口親將絕調教成老旦奴家永新貼奴家

李鑒于涼夜月明
清行偷曲情景最
妙先以奏曲甚急
連夜教演安頓在
前方不突如

又以月華開合仙
夢猶夢盡致

徐曰此詞見何處
馬鶴聲一曲乃道
宮之勝此不足路
多首二句詞法宜
然勿以其多而

念奴老旦自從娘娘製就霓裳新譜我二人親蒙教

授今駕幸華清宮即日要奏此曲命我二人在朝元

閣上傳譜與李龜年連夜教演梨園子弟貼散序俱

已傳習今日該傳拍序了老旦你看月明如水正好

演奏我和你携了曲譜先到閣中便了行介合涼蟾

正當高閣升簾捲熏風映水晶高淸恰稱廣寒宮仙

樂聲聲

下末蒼髯扮李龜年上

道宮魚兒賺樂部舊聞名班首新推獨老成早暮超

承上直更番入內廷自家李龜年是也向作伶官蒙

徐曰此際須細腔
唱之方得不可用
尋常提板

萬歲爺點爲梨園班首。今有貴妃娘娘霓裳新曲。奉
旨令永新念奴傳譜出來。在朝元閣上教演。立等供
奉。只得連夜趨習。不免喚齊衆兄弟每同去。兄弟每
那里副淨扮馬仙期上。仙期方響鬼神驚。外扮雷海
青上。鐵撥爭推雷海青。淨白蘋粉賀懷智上。賀老琵琶
擅場屋。丑扮黃旛綽上。黃家旛綽板尤精。同見末
介李師父拜揖。末請了列位呵。君王命霓裳催演不
教停。那永新念奴呵。兩娉婷把紅牙小譜。攜端正。早
向朝元待月明。衆如此。我每就去便了。末請同行同
行介。赴遲遲宮漏。夜涼生。把新腔敲訂新腔敲訂。

夜深偷傍官牆不
覺身臨不測非風
魔逸興不能有此

同下小生巾服扮李暮上

仙呂過曲解三醒犯解三逞風魔少年逸興借曲中妙理

陶情傳聞今夜蓬萊境翻妙譜奏新聲小生李暮是
也本貫江南遨遊京國自小諳通音律人以鐵笛擅
名近聞宮中新製一曲名曰霓裳羽衣樂工李龜年
等每夜在朝元閣中演習小生慕此新聲無從得其
秘譜打聽的那閤子恰好臨着宮牆聲聞於外不免
袖了鐵笛來到驪山趁此月明如畫竊聽一回一路
行來果然好景致也行介林收暮靄天氣清山入寒
空月彩橫真佳景

入聲
死身從盡裏遊行

徐曰此調沈譜與坊刻將時曲釣魚舟二拍誤併為一應作楊柳滿渡船謬甚今查古譜訂正下曲無辭句亦當重唱
光輝看不定是乍到驚疑光景又未識何元何在先從處處仙樓一路尋

場上設紅帷作牆牆內搭一閣介不生說話之間
早來到宮牆下了

道宮調
近詞
應時明近只見五雲中宮闕影窈窕玲瓏映月明光輝看不定光輝看不定想潛通御氣處處仙樓閣干畔有玉人閃凭

聞那朝元閣在禁苑西首我且繞着紅牆迤邐行
法行介

前腔花陰下御路平緊傍紅牆款款行望介只道垂楊影裏一座高樓露出牆頭想就是了凝眸重細省凝眸重細省只見盡簾縹緲文窓掩映指介兀的不

是上有紅燈。

老旦貼在牆內上閣介末衆在內云今日該演拍
序大家先將散序從頭演習一卷小生你看上面
燈光隱隱似有人聲一定是這里了我且潛聽一

回作潛立聽介

雙赤子悄悄冥冥牆陰竊聽內作樂介小生作袖出

笛介不免取出笛來倚聲和之就將首節細細記明

便了聽到月高初更後果然絃索齊鳴恰喜禁垣夜

深人靜瑤聰齊應這數聲恍然心領那數聲恍然心

領

徐曰按沈譜以此曲及下畫眉兒二曲作赤馬兒四曲今正之又按數聲恍然心領本止單句乃畫眉兒之首句非二詞尾句也今姑從俗再流曲詞以正四句題作雙兒犯不知何本戲曾叔以本曲何改畫眉兒三曲徐初之聯尤誤

恍然心領二句冷
好段段應接閣中
應外宛然得竹一
竟蒙本舞樂也三
曲俱寫人舞態最
妙
徐曰自解三醒至
豎赤子腔已漸覺
矣然此三曲用十
春調之須稍緩其
腔遲遲唱之始得
盡致
又與仙樂照會非
特形容盡好

內細十番小生吹笛和介樂止老旦貼在內閣上
唱後曲小生吹笛介老旦貼

畫眉兒驅珠散迸入拍初驚雲翻袂影飄然迴雪舞
風輕飄然迴雪舞風輕約略烟蛾態不勝小生接唱
這數聲恍然心領那數聲恍然心領

內細十番如前老旦貼內唱小生笛介介老旦貼
前腔珠輝翠映鳳翥鸞停玉山蓬頂上元揮袂引雙
成上元揮袂引雙成葦綠迴肩招許瓊小生接唱這
數聲恍然心領那數聲恍然心領

內又如前十番老旦貼內唱小生笛介介老旦貼

前腔音繁調驟絲竹縱橫翔雲忽定慢收舞袖弄輕
盤慢收舞袖弄輕盈飛上瑤天歌一聲小生接唱這
數聲恍然心領那數聲恍然心領

內又十番一通老旦貼暗下小生妙哉曲也真個
如敲秋竹似夏春冰分明一派仙音信非人世所
有被我都從笛中偷得好僥倖也

鴉鴨滿渡船覓裳天上聲牆外行人聽音節明宮商
正風內高低應偷從笛裏寫出無餘賸呀閣上寂然
無聲想是不奏了人散曲終紅樓靜半牆殘月搖花

影

徐曰此調方是爲
賜前腔與沈清
所次入後雅馬和
八上一曲大同小
異又各作一應何
請內以物應應
此曲而加穩穩
波船之名下應時
明十
曲終人散之長篇

小人能領之
紅樓者在銷金帳
中樓樓一世

以流水清音挽合
驚雲餘韻與江上
峰青同一縹緲

此折備寫真使之
勞罪孽之苦并傷
殘人命殘禍因承
以見一騎紅塵足
為千古炯戒

你看河斜月落斗轉參橫不免回去罷袖笛轉行

介

尾聲却迴身尋歸徑只聽得玉河流水韻幽清猶似

霓裳妃嫔聲

倚天樓殿月分明

鼓

歌轉高雲夜更清

趙振

偷得新翻數般曲

蕭

酒樓吹笛有新聲

張祐

進果

末扮使臣持竿挑荔枝籃作鞭馬急上

過柳穿魚一身萬里跨征鞍為進離支受艱難上命

遣差不由已算來名利怎如閑已得個到長安只圖

貴妃看一看

長生殿上

晃

急送前程情景如
此

自家西州道使臣爲因貴妃楊娘娘愛吃鮮荔枝
奉勅涪州年年進貢天氣又熱路途又遠只得
不憚辛勤飛馬前去作鞭馬重唱巴得箇三句跑下
副淨扮使臣持荔枝籃鞭馬急上

撼動山海南荔枝味尤甘楊娘娘偏喜啖採時連葉
包緘封貯小竹籃獻來曉夜不停騾一路裏怕耽望
一站也麼奔一站

自家海南道使臣只爲楊娘娘愛吃荔枝俗名海
南所產勝似涪州因此勅與涪州並進但是俺海
南的路兒更遠這荔枝過了七日香味便減只得

有秋如此况無秋
乎屬農者何可不
讀此曲

意在一路上踏壞
多田多人場上
一田父一醫者作
客出例耳于此折
天實謂事明亂已
有年而舞臺非
易得之矣

飛馳趕去鞭馬重唱一路裏二句跑下外扮老曰

夫上

十棒鼓田家耕種多辛苦愁旱又愁雨一年靠這幾
莖苗收來半要償官賦可憐能得幾粒到肚每日盼
成熟求天拜神助

老漢是金城縣東鄉一箇莊家一家八口單靠着

這幾畝薄田過活早間聽說進鮮荔枝的使臣一

路上稍着徑道行走不知踏壞了人家多少禾苗

因此老漢特到田中看守望介那邊兩箇算命的

來了小生扮算命瞎子手持竹板淨扮女瞎子彈

長生殿上

至

絃子同行上

蛾郎兒住褒城走咸京細看流年與五星生和死斷
分明一張鐵口盡聞名瞎先生真靈聖叫一聲賽神
仙來算命

學老的我走了幾程今日脚疼委實走不動不是
算命倒在這里拚命了小生媽媽那邊有人說話
待我問他叫介借問前面客官這裡是什麼地方
了外這是金城東鄉與渭城門鄉交界小生斜揖
介多謝客官指引內鈴響外望介呀一隊騎馬的
來了叫介馬上長官往大路上走不要踏了田苗

一老二瞎各言所
事非易甚新後即
為科口之用更覺
文筆潔淨

呼天而哭下着你
升二字正與極符
若天套天現彼臨
人同悲

小生一面對淨語介媽媽且喜到京不遠我奔叫
向前去催箇毛驢子與你騎重唱陪先生三句走
介末鞭馬重唱前已得箇三句急上衝倒小生淨
下副淨鞭馬重唱前一路裏二句急上踏死小生
下外跌腳向鬼門哭介天啊你看一片田禾都被
那廝踏爛眼見的沒用了休說一家性命難存現
今官糧緊急將何辦納好苦也淨一面作爬介哎
呀踏壞人了老的啊你在那里作摸着小生介呀
這是老的怎麼不做聲敢是踏昏了又摸介哎呀
頭上濕漉漉的又摸聞手介不好了踏出腦漿來

長生殿上

至

一咬字內含無限不平之氣

了。哭叫介我那天呵地方救命外轉身作看介原
來一箇算命先生踏死在此淨起斜福介只求地
方叫那跑馬的人來償命外哎那跑馬的呵乃是
進貢鮮荔枝與楊娘娘的一路上來不知踏壞了
多少。人。不。敢。要。他。償。命。何。况。你。這。一。箇。瞎。子。淨如
此怎了。哭介我那老的呵我原算你的命是要倒
路死的只這箇屍首如今怎麼斷送外也罷你那
里去叫地方就是老漢同你擡去埋了罷淨如此
多謝我就跟着你做一家兒可不是好同擡小生

哭譚下正扮驛卒上

五穀包皆係新見
而各段敘述不覺
累陳真使三上亦
不覺煩在運筆離
合之妙也

凡事到無可奈何
處惟有且自由他
不然都非驛官過
去將不成世界矣

小引驛官逃驛官逃馬死單刺馬臉驛子有一人
錢糧沒半分拚受打和罵將身去招架將身去招架
自家渭城驛中一箇驛子便是只爲楊娘娘愛吃
鮮荔枝六月初一是娘娘的生日涪州海南兩處
進貢使臣俱要趕到路由本驛經過怎奈驛中錢
糧沒有分文瘦馬剛存一匹本官怕打不知逃往
那里去了區區就便權知此驛只是使臣到來如
何應付且自由他未飛馬上

急急令黃塵影內日銜山趕趕近長安下馬介驛
子快換馬來丑接馬末放果籃整衣介副淨飛馬上

一身汗雨四肢癱。趙趙換行鞍。

下馬介驛子快換馬來丑接馬副淨放果籃與末

見介請了長官也是進荔枝的末正是副淨驛子

下程酒飯在那里丑不會備得末也罷我每不喫

飯了快帶馬來丑兩位爺在上本驛只剩有一匹

馬但憑那一位爺騎去就是副淨唬偌大一箇渭

城驛怎麼只有一匹馬快喚你那狗官來問他驛

馬那里去了丑若說起驛馬連年都被進荔枝的

爺爺騎死了驛官沒法如今走了副淨既是驛官

走了只問你要丑指介這棚內不是一疋馬麼末

樵馬使臣角口作
一頓折然後打及
驛子文情便不局
促

兩使相爭正難解
手而得幸道以語
語分鮮宜招老拳

驛子我先到且與我先騎了去副淨我海南的來
路更遠還讓我先騎末作向內介

恁麻郎我只先換馬不和你鬪口副淨扯介休恃強
惹着我動手末取荔枝在手介你敢把我這荔枝亂
丟副淨取荔枝向末介你敢把我這竹籠碎扭丑勸
介請罷休免氣吼不如把這匹瘦馬同騎一路走

副淨放荔枝打丑介噤胡說

前腔我只打你這潑腌臢死囚末放荔枝打丑介我
也打你這放刁頑賊頭副淨剋官馬嘴兒太油末誤
上用膽兒似斗同打介合鞭亂抽拳痛毆打得你難

捱那馬自有

丑印頭介

前腔向地上連連叩頭望臺下輕輕放手末副淨若要饒你快換馬來丑馬一匹驛中現有末副淨再要一匹丑第二匹寶難補湊末副淨沒有只是打丑且慢紐請聽剖我只得脫下衣裳與你權當酒

一馬應差一衣當酒總是極形寂寂之試若謂近京劇傳當不其然奚啻婦人說夢

脫衣介末誰要你這衣裳副淨作看衣披在身上介也罷赶路要緊我原騎了那馬前站換去取果上馬重唱前一路里二句跑下末快換馬來我騎丑馬在此末取果上馬重唱前已得箇三句跑下

丑弔場咳楊娘娘楊娘娘只爲這幾箇荔枝可

鐵關金鎖徹明開

後

黃紙初飛勅字回

元稹

驛騎鞭聲若流電

詩

無人知是荔枝來

杜牧

舞盤

生引二內侍丑隨上

少陵詩語用入詩曲更雅切

仙呂奉時春山靜風微晝漏長映殿角火雲千丈紫
氣東來瑤池西望翩翩青鳥庭前降

朕同妃子避暑驪山今當六月朔日乃是妃子誕

辰特設宴在長生殿中與他稱慶并奏霓裳新曲

高力士傳旨後宮宣娘娘上殿丑領首向內傳介

內應領首介旦盛粧引老旦貼上

長生殿上

西

唐多令
小祝小字妙是謀
辭

唐多令
日影耀椒房花枝弄綺窓門懸小祝赭羅黃
繡得文鸞成一對高傍着五雲翔

見介臣妾楊氏見駕願陛下萬歲萬歲萬歲生與妃
子同之旦坐介生紫雲深處娶光明旦帶露靈桃
倚日榮老旦點歲歲花前人不老丑合長生殿裏
慶長生生今日妃子初度寡人特設長生之宴同
爲竟日之歡旦薄命生辰荷蒙天寵願爲陛下進
千秋萬歲之觴丑酒到旦拜獻生酒生荅賜旦跪
飲叩頭呼萬歲坐介生

此套皆新合
曲各音律和協
諸君明宜採入

高平
八仙會蓬海八聲
風熏日朗看一葉階蓂搖動

恭讀安雅序是六月朔日文心極細

意在寫荔枝却以成晚實德引起是文章陪襯之法

炎光華筵初啟南山遙映霞艫霞仙合果合歡桃生

千歲花並蒂蓮開十丈月上宜歡賞恰好殿號長生

境齊蓬閣

小生扮內監捧表上手捧金花紅榜子齊來寶殿

祝千秋見介啟萬歲爺娘娘國舅楊丞相同韓號

秦三國夫人獻上壽禮賀箋在外朝賀丑取箋送

生看介生生受他無丞相免行禮回朝辦事三國

夫人候朕同娘娘回宮筵宴小生領直下淨扮內

監捧荔枝黃袱蓋上正逢瑤圃千秋宴進到炎州

十人娘見介啟萬歲爺涪州海南貢進鮮荔枝在

仍合壽意不泛作
荔枝詞語故佳

此生取上來丑接荔枝去祇送上介生妃子朕因

你愛食此果特勅地方飛馳進貢今日壽宴初開

佳果適至當爲妃子再進一觴旦萬歲生官娥每

進酒老貼進酒介旦

杯底慶長生

願杯換序

盈筐佳果香幸黃封遠勅來川

廣愛他濃染紅綃薄裹晶丸入手清芬沁齒甘涼

長生

導引金便火聚交梨應讓只合來萬歲臺前千秋筵上

伴瑤池阿母進瓊漿

高力士傳旨李龜年押梨園子弟上殿承應丑領

宣向內傳介末引外淨副淨丑各錦衣花帽應領

意在舞盤亦先以梨園引起

論欲舞極盡情致
竟家樂錄在其中
曲中不著詞譜不
帶云必在約下若

旨上紅牙待拍箏排柱催着紅羅上舞筵換戴柘
枝新帽子隨班行到御階前見介樂工李龜年押
領梨園子弟叩見萬歲爺娘娘生李龜年寬裳散
序昨已奏過羽衣第二疊可曾演熟末演熟了生
用心去奏末領旨起介暗下旦妾啟陛下此曲散
序六奏止有歇拍而無流拍中序六奏有流拍而
無促拍其時未有舞態

八仙會蓬萊換只是悠揚聲情俊爽要停住彩雲飛
繞虹梁至羽衣三疊名曰飾奏一聲一字都將舞態
含藏其間有慢聲有纏聲有哀聲應清圓驪珠一串

長生殿上

五

古南曲無韵斷句
多有挑白即調白
亦無礙也此曲單
珠一串下帶白不
必從議

有入破有辭破有出破合。嬈娜。擺。瑜。干。狀。還有花犯。
有道和有傍拍有間拍有催拍有偷拍多音響皆與。
慢舞相生緩歌交暢。

〔生〕妃子所言曲盡歌舞之蘊。且妾製有翠盤一面。
請試舞其中以博天顏一笑。〔生〕妃子妙舞寡人從。
未得見永新念奴可同鄭觀音謝阿蠻伏侍娘娘。
上翠盤來者。老貼領直旦起。福介告退更衣整頓。
衣裳重結束。一身飛上翠盤中。引老貼下。〔生〕高力。
士傳旨李龜年領梨園子弟按譜奏樂。朕親以錫。
鼓節之。〔丑〕領直向內傳介。〔生〕起更衣。末衆在場內。

此曲只形容貴妃
舞態盡致極妍非
月中霓裳仙樂也
至重圓折天女所
奏方是本曲此又
家普子步虛處

徐曰應時明近至
拘芝麻四調皆照
偷曲折內辨誤查
正
翻翻葉上并狀翠

作樂介場上設翠盤旦花冠白繡袍嬰路錦雲肩

翠袖大紅舞裙老貼同淨副淨扮鄭觀音謝阿蠻

各舞衣白袍執五彩霓旌孔雀雲扇密遮旦簇上

翠盤介樂止旌扇徐開旦立盤中舞老貼淨副唱

丑跪捧鼓生上坐擊鼓衆在場內打細十番合介

羽衣第二疊羅綺合花光一朶紅雲自空漾羅

袍看霓旌四繞亂落天香醉太安詳徐開扇影露明

粧自練序渾一似天仙月中飛降合輕颺彩袖張向翡

翠盤中顯伎長應時飄然來又往死迎風齒齒雙赤

翻翻葉上舉袂向空如欲去乍迴身側度無方急舞

三

盤旋尋常舞態不
同

介畫眉

盤旋跌宕花枝招颭柳枝揚鳳影高鶯聲影

翔柯芝

體態嬌難狀天風吹起衆樂繽紛響紅小桃永

絃玉柱聲嘹唳鸞笙象管音飄蕩花藥恰合着羯鼓

低昂按新腔度新腔怕春裏金裙齊作留仙想生住

鼓丑攜去介古輪舞住飲霞裳朝上拜介重低額山

呼萬歲拜君主

老貼淨副扶旦下盤介淨副暗下生起前攜旦介

妙哉舞也迤態橫生濃姿百出宛若颿風迴雪恍

如飛燕游龍真獨擅千秋矣宮娥無看酒來待朕

與妃子把杯老貼奉酒生擎杯介

合場鼓恰好明
皇在御貴妃罷舞
時念變妙

持杯謝舞無一從
舞終句叮嚀口吻
惟肯結用柳詞入
妙尤不減柳岸曉
風

香囊是開目又以
合語市搖引起與
前二處同法

結歸壽筵
無句歸重香囊為
後句辨張本

千秋舞霓裳千秋把金觴含笑微微向請一點點檀
口輕嘗付旦介休得留殘休得留殘酬謝你舞怯腰
肢勞攘旦接杯謝介萬歲舞霓裳親頒玉醞恩波廣惟
慚庸劣怎承當生看旦介俺仔細看他模樣只這持
杯處有萬種風流帶人腸

生朕有鴛鴦萬金錦十足麗水紫磨金步搖一事
聊作纏頭出香囊介還有自佩瑞龍腦八寶錦香
囊一枚解來助卿舞舞旦接香囊謝介萬歲生攜
旦行介

尾聲生霓裳妙舞千秋賞合助千秋祝未央旦微倅

叙親沐君恩透體香

生

長生秘殿倚青蒼

張

玉醴還分獻壽觴

張

飲罷更憐雙袖舞

錦

旦

滿身新帶五雲香

曹

合圍

詩句內皆有身段
亦是元人家法

外末副淨小生扮四番將上外三尺鎖刀耀雪光

末腰間明月角弓張副淨葡萄酒醉臉脂血小生

貂帽花添錦繡裝外俺范陽鎮東路將官何千年

是也末俺范陽鎮西路將官崔乾祐是也副淨俺

范陽鎮南路將官高秀嚴是也小生俺范陽鎮北

路將官吏思明是也各彎腰見科請了昨奉王爺

徐曰此套本之耶
卿首曲題作終都
春次曲題作混江
龍陽川音律頗多
踰越于本調不甚
相協今人改唱作
此調并更曲名是
折效之未有律調
確據也
變聯二語輕薄中
原總以撤漢將之
故窺見朝廷無人
奮勇可恃與無尾
相應那得不思曲
江先見

祿山此請明為番
漢相制欲圖恣意

將令傳集我等只得齊至帳前伺候道猶未了正
命升帳也內鼓吹掌號科淨戎裝引番姬番卒上
越調紫花撥四統貔貅雄鎮邊關雙眸覷破番和漢
掌兒中握定江山先把這四週圍爪牙迭辦

我安祿山夙懷大志久蓄異謀只因一向在朝受
封東平王爵寵倖無雙富貴已極咱的心願倒也
罷了耐耐楊國忠那厮與咱不合出鎮范陽且喜
跳出樊籠正好暗圖大事俺家所轄原有三十二
路將官番漢並用性情各別難以任為腹心因此
奏請一槩俱用番將如今大小將領皆咱部落笑

而當時只一草見
素言之國忠嫉忌
蘇山竟不諫阻蓋
惟恐其反形不速
以與實已異志一
奈小人用心傾險
如此權開折已明
言之此處正可嘿
倉

駙上馬謂上鞍標
疾而馬不知也元
曲用駙馬俱如此
解

科任意所爲都無顧忌了昨日傳集他每俱赴帳
前這略敢待齊也衆進見科三十二路將官參見
淨諸將少禮衆請問王爺傳集某等不知有何鈞
令淨衆將官目今秋高馬壯正好演習武藝特召
你等同往沙地大合圍場較獵一番多少是好衆
謹遵將令淨就此跨馬前去同衆作上馬科淨
胡撥四犯紫韁輕挽合雙手把紫韁輕挽騙上馬將
盔纓低按行科閃旗影雲殷沒揣的動龍蛇一直的
通霄漢接音門布下了九連環覷定了這小中原在
眼消不得俺衆路強番衆四面立淨指科這一員身

於張諸將正是自
表英雄故直居可
汗之名而眾服以
攻破雄關相應也

材慄慄那一員結束牢拴這一員莽兀喇拳毛高鼻
那一員惡支沙雕目胡顏這一員會急迸格那的弓
開月滿那一員會滴溜撲碌的鎚落星寒這一員會
哈吒克擦的鎗風閃爍那一員會悉力颯刺的劍雨
澎灘端的是人如猛虎離山澗顯英雄天可汗衆行
科全振軍威撲通通鼓鳴驚魂破膽排陣勢韻悠悠
角聲人疾馬閃抵多少雷轟電轉可正是海沸也那
河翻折木的銅作壁鐵作壘有甚麼攻不破攻不破
也雄關淨這里地濶沙平就此擺開圍場射獵一回
者淨同番姬立高處衆排圍射獵下淨擺圍場這間

打頭時缺大錢畢
見而四下裡擠起
句尤爲入神

這間四下里來擠。擠。擠。馬蹄兒潑刺刺旋風起。不
住的把弓來緊。彎弦來急。攀一回呵。滾沙場兔鹿兒
無頭趕都難動。揮就地裏跳。趁衆射鳥獸上。淨把鷹
犬放過去者。衆應放鷹犬。科跑下。淨呀呀呀疾忙裏
一壁廂把翅摩背的玉爪騰空散。一壁廂把足駕霧
的金葵逐路攔。霎時間獸積獸積如山。衆上獻獵物
科。眾王爺衆將獻殺。淨打的鳥獸散給衆軍。就此高
坡上把人馬歇息片時。大家炙肉煖酒。番姬弄歌的
歌舞的舞。灑落一回者。衆得令。同席地坐。番姬送淨
酒。衆作拔刀割肉提背壺斟酒大飲。喚科。番姬彈琵琶

前後慕諸態羅列
行間幾如道子寫
生吹索欲活

三軍奉將已如指
臂從心安得不成

琵琶渾不是衆打太平鼓板合斟起這酪漿兒滿滿的
浮金盞滿滿的浮金盞更把那連毛帶血肉生餐笑
擁着番姬雙頰丹把琵琶忒楞楞彈也麼彈唱新聲
菩薩蠻淨起科喫了一會酒醉肉飽天色已晚諸將
各回汛地須要整頓兵器練習軍馬聽候將令便了
衆應科得令作同上馬吹海螺側帽擺手繞場疾行
科聽罷了令疾翻身躍登錦鞍側着帽擺手輕儇各
自裏回還鎮守定疆藩擺棚些旗竿裝摺着輪軸聽
候傳番施逞凶頑天降摧殘地起波瀾把漁陽凝盼
一飛羽箭爭赴兵墮專等你箇抱赤心的將軍將軍

大事奸雄之堅下
且然主臣可不一
德乎

來調揀。

衆下子你看諸路番將一箇箇人強馬壯眼見得
的羽翼已成笑科唐天子唐天子你怎當得也。

煞尾沒照會先去了那掣肘漢家官有機謀暗添上
這助臂番兒漢等不的宴華清霓裳法曲終早看俺
開鼓鼙漁陽驍將反。

六州番落從戎鞍

鑾

戰馬閃嘶漢地寬

剗

倏忽搏風生羽翼

發

山川龍戰血漫漫

剗

夜怨

旦上

箇中人有此慧解
可見不生愁只是
歡未幾耳

止宮破齊陣破陣寵極王揀輕捨歡濃外生懽
天

樂

比目游雙鴛鴦眠並未許恩移情變

破陣子

只恐行

雲隨風引爭奈閒花競日妍終朝心暗牽

清平樂捲簾不語誰識愁千縷生怕韶光無定主

暗裏亂催春去心中剛自疑猜那堪蹤跡全乖鳳

輦却歸何處淒涼日暮空階奴家楊玉環久邀聖

眷愛結君心耐梅精江采蘋意不相下恰好觸

忤聖上將他遷置樓東但恐采蘋巧計回天皇上

舊情未斷因此常自隄防嘆江采蘋江采蘋非是

我容你不得只怕我容了你你就容不得我也今

早聖上出朝日色已暮不見回宮連著永新念奴

同一境也意中人
不見便成空階矣
故知境從心生

千古懷構皆起于
此念

起語便含一日情

思

徐曰此詞以四朝

元全詞帶一江風

駐雲飛會河陽故

名風雲會四朝元

見將愛蓮傳音沈

錯不知而以五馬

江見水桂枝香柳

楊金一江風駐雲

飛朝元今六調合

成新語強解之云

風雲會取一江風

駐雲飛尚餘四調

故曰四朝元甚妙

弄繁冷細查古語

註明

前復召折明皇亦

能驚起昔為

雪六點畧一點綴

打聽去了此時情緒好難消遣也

仙呂入

雙調

風雲會四朝元

四朝元頭

燒殘香串深宮欲暮天

把文窓頻啟翠箔高卷眼兒幾望穿但常時此際但

常時此際

會河陽

定早駕到西宮執手齊眉

四朝元

花映

房櫳春生顏面

駐雲飛

百種耽歡戀嗟今夕問何緣

江一

芳草黃昏不見承回輦內作鸚哥叫聖駕來也介

旦作驚看介呀聖上來了作看介呸原來是鸚哥弄

巧言把愁人故相騙

四朝元尾

只落得徘徊佇立思思想

想盡欄凭徧

老旦上開道君王前殿宿內家各自敲紅燈見介

一時融望之情曲
折寫出妙與夜景
切合

想入幽微情詞變
絕

啟娘娘萬歲爺已宿在翠華西閣了。且呆介有道
等事。泣介

前腔君情何淺。不知人望懸正。晚粧慵卸。暗燭羞剪。
待君來同笑言。向瓊筵啟處。向瓊筵啟處。醉月觴飛。
夢雨牀連。共命無分。同心不舛。怎驀把人疎遠。老旦
萬歲爺今夜偶不進宮。料非有意疎遠。娘娘請勿傷
懷。且。嗒。若不是情遷。便宿離宮。阿監何妨遣。我想聖
上呵。從來未獨眠。鴛衾厭孤展。怎得今宵枕畔。清清
冷冷。竟無人薦。

貼上。雪隱鶯鶯飛始見。柳藏鸚鵡語方知。見介娘
長生殿上

娘奴婢打聽翠閣的事來了。旦怎麼說。貼娘娘聽

啟。奴婢方纔呵。月臨江僧向翠華西閣守將時近

黃昏。忽聞密旨遣黃門。旦遣他何處去呢。貼飛鞭

乘戲馬。滅燭召紅裙。旦急問介。召那一箇。貼貶置

樓東怨女。梅亭舊日妃嬪。旦驚介。呀。這是梅精了。

他來也不曾。貼須臾簇擁那佳人。暗中歸翠閣。老

旦問介。此話果真否。貼消息探來真。旦嘆。天那。原

來果是梅精。復邀寵幸了。做不語悶坐掩淚。介老

旦貼。娘娘請免愁煩。旦

前腔。聞言驚顛。傷心痛。怎言淚。介把從前密意舊日

此處提明釵盒後
便至翠閣方不突
如
既以定情有信要
若復以說棄無名
自稱驕恣之人未
有不工於操縱也

思眷都付與淚花兒彈向天記歡情始定記歡情始
定願似釵股成雙盒扇團圓不道君心霎時更變總
是奴當譴咎也索把罪名宜怎教凍盡寒葩暗識東
風面可知道身雖在這邊心終繫別院一味虛情假
意瞞瞞昧昧只欺奴善

賤娘娘還不知道奴婢聽得小黃門說昨日萬歲
爺在華夢樓上私封珍珠一斛去賜他他不肯受
回獻一詩有長門自是無梳洗何必珍珠慰寂寥
之句所以致有今夜的事且哦原來如此我那里
知道

又按飾已意接過
君王純是接續語

永新所言甚是在
我妃則不入耳矣
勸人者須作兩事
多是類此

亦是遮飾語然此
種意態以已度人
却是自爲寫照

前腔他向樓東寫怨把珍珠暗裏傳直恁的兩情難
割不由我寸心如剪也非咱心太褊只笑君王見錯
笑君王見錯把一箇罪廢殘粧認是金屋嬋娟可知
我守拙鸞凰關不上爭春鶯燕老旦萬歲爺既不忘
情於他娘娘何不迎合上意力勸召回萬歲爺必然
歡喜料他也不敢忘恩且唉此語休提他自會把紅
絲纏膝何必我重牽只怕沒頭興的媒人反惹他憎
賤你二人隨我到翠閣去來貼娘娘去怎的且我到
那里看他如何逞媚妍如何賣機變取次把君情鼓
動顛顛倒倒暗中迷戀

千差百怨都在詩
燈內可想

有客言論此劇就
國庫紀兩帝爭權
皆未當掛抄出明

貼奴婢想今夜翠閣之事原怕娘娘知道此時夜

將三鼓萬歲爺必已安寢娘娘粹然走去恐有未

便不如且請安眠到明日再作理會且作不語掩

淚嘆介唉罷罷只今夜教我如何得睡也

尾聲他歡娛只怕催銀箭我這里寂寥深院只索背

着燈兒和衣將空被捲

紫禁迢迢宮漏鳴

驚

碧天如水夜雲生

驚

淚痕不與君恩斷

裂

斜倚熏籠坐到明

自居

絮閣

丑上

自閉昭陽春復秋羅衣濕盡淚還流一種蛾眉明

長生殿上

奎

日近于不期欲于
此場加楊執相爭
然後放歸紫閣折
中破壁而出時梅
妃繞場走下近演
家有扮梅妃嘿坐
慢內者予謂號關
事傍評一折高承
明言觀場者已洞
悉梅妃家門此折
力士又代爲叙明
正無煩贅疣耳

起句直接和末接
被情是方見掛不
到曉急遽獨行不
及待宮女隨從安
演絕妙

月夜南宮歌舞北宮愁。嗜家高力士。向年奉使關
粵。選得江妃進御。萬歲爺十分寵幸。爲他性愛梅
花。賜號梅妃。宮中都稱爲梅娘娘。自從楊娘娘入
侍之後。寵愛日衰。萬歲爺竟將他遷置上陽宮東
樓。昨夜忽然托疾宿於翠華西閣。遣小黃門密召
到來。戒飭宮人不得傳與楊娘娘知道。命嗜在閣
前看守。不許閒人擅進。此時天色黎明。恐要送梅
娘娘回去。只索在此伺候。咱虛下旦行上

北黃
鎮
醉花陰
一夜無眠亂愁攪
未拔白潛踪來到在

常見紅日影弄花梢
軟哈哈春睡難消
猶自壓繡衾

徐曰首句末亂於
拋三字用去平上
能協調之甚紅
日影弄花梢乃三
字兩句非六字一
句也按醉花陰
一詞有六句者亦
有多兩句而作八
字者若作六句則
次曲意還當必五
字七字二句起全
章十句若用八句
則次句意還當用
四字六字二句起
全章只八句蓋醉
花陰尾上減二句
印接于各處當之
首句題意起處減
二句即散于醉花
陰之尾此元人轉
拙變化之妙也

倒今日呵可甚的厚枕急忙拋單則為那等兒撒不
掉

丑一面暗上望科呀遠遠來的正是楊娘娘莫非
走漏了消息麼現今梅娘娘還在閣裏如何是好

旦到科丑忙見科奴奴高力士叩見娘娘旦萬歲

爺在那里丑在閣中旦還有何人在內丑沒有旦

冷笑科你開了閣門待我進去看者丑慌科娘娘

且請暫坐旦坐科丑奴婢啟上娘娘萬歲爺昨日

呵

南畫眉序只為政勤勞偶爾遠和厭煩擾旦既是聖

力士所言不容人到非指實也即借此語發怒亦是機變人使狡偷處

徐曰此用五字句起連章八句格也弄鬼起禍掛眼連創自把供去上聲讀妙上上聲協調之甚語氣漸漸逼緊使力士不得脫那直是良機

體違和怎生在此駐宿丑愛清幽西閣暫息昏朝旦在裏面做甚麼丑偃龍牀靜養神疲旦你在此何事丑守玉戶不容人到旦怒科高力士你待不容我進去麼丑慌叩頭科娘娘息怒只因親奉君王命量奴婢敢行違拗

旦怒科噯

北喜遷鶯休得把虛脾來掉嘴噎噎弄鬼粧么丑奴婢怎敢丑蕉也波焦急的咱滿心越惱我曉得你今日呵別有箇人兒掛眼稍倚着他寵勢高明欺我失恩人時衰運倒泄科也罷我只得自把門鎖

時勿迫之狀色
色絕倒

貴妃筆春一跌已
傍妒心而西問之
事又復唐突明皇

〔丑〕娘娘請坐待奴婢呼開門來倣高叫科楊娘娘
來了開了閤門者且坐科生披衣引內侍上聽科
南盡眉序何事語聲高驀忽將人夢驚覺丑又叫科
楊娘娘在此快些開門內侍啟萬歲爺楊娘娘到了
生作呆科呀這春光漏泄怎地開交內侍這門還是
開也不開生慢着背科且教梅妃在夾幕中暫躲片
時罷急下內侍笑科哎萬歲爺萬歲爺笑黃金屋恁
樣藏嬌怕葡萄架霎時推倒生上作伏桌科內侍我
着牀傍枕佯推睡你索把獸環開了

〔內侍〕領旨作開門科且直入見生科妾聞陛下聖

長生發上

卷

或疑其忿去故
不暇顧慮抑知妃
之狡僧早狎習明
皇而掃綴之度必
無奈我何也

直以宜召梅精相
詰使明皇更無解
問處總是狡猾

體違和特來問安生寡人偶然不快未及進宮何
勞妃子清晨到此且陛下致疾之由妾倒猜着幾
分生笑科妃子猜着何事來

北出隊子多則是相思縈繞爲着箇意中人把心病
挑生笑科寡人除了妃子還有甚意中人且妾想陛
下向來鍾愛無過梅精何不宣召他來以慰聖情牽
扯生驚科呀此女久置樓東豈有復召之理且只怕
情東君偷洩小梅梢單只待望着梅來把渴消生寡
人那有此意且既不沙怎得那一斛珍珠去慰寂寥

生妃子休得多心寡人昨夜呵

旦黑詞抵牾惟

語曰此語合鏡中
上元一曲是正休
語登記因緣下添
事字誤也

力士垂人亦料定
明皇愛梅有心制
枋無術故為破壁
送歸之計以息兩
爭其于貴妃可謂

南滴溜子偶只為微疴暫思靜悄恁蘭心蕙性慢多
度料把人無端奚落作欠伸科我神虛懶應酬相逢
話言少請暫返香車圖箇睡飽

旦作看科呀這御榻底下不是一雙鳳鳥麼生急
起作欲掩科在那里懷中掉出翠鈿科旦拾看科
呀又是一朶翠鈿此皆婦人之物陛下既然獨寢
怎得有此生作羞科好奇怪這是那里來的連寡
人也不解旦陛下怎麼不解丑作急態一面背對
內侍低科呀不好了見了這翠鈿鳳鳥楊娘娘必
不干休你每快送楊娘娘悄從閣後破壁而出回

蔡逢敵手矣

徐曰此調此諸多
日三竿三句乃用
鄭德繹倩女還魂
洛也
忍作莊語規切更
令明皇言寒從來
女子小人校制算
大皆有此伎倆

若非出之妬口何
異雞鳴同夢之談
語同人異只爭公
私耳

到樓東去罷內侍曉得從生背後虛下旦

北。刮。地。風。子。這。御。榻。森。嚴。宮。禁。遙。早。難。道。有。神。女。飛。
度。中。宵。則。問。這。兩。般。信。物。何。人。掉。作。將。烏。鈿。擲。地。丑
暗。拾。科。旦。昨。夜。誰。侍。陛。下。寢。來。可。怎。生。般。鳳。友。鸞。交。
到。日。三。竿。猶。不。臨。朝。外。人。不。知。阿。都。只。說。殢。君。王。是。
我。這。庸。姿。劣。貌。那。知。道。戀。歡。娛。別。有。箇。雨。宿。雲。巢。請。
陛。下。早。出。視。朝。妾。在。此。候。駕。回。宮。者。生。寡。人。今。日。有。
疾。不。能。親。朝。旦。雖。則。是。蝶。夢。餘。鶯。浪。中。春。情。顛。倒。困。
迷。離。精。神。難。打。熬。怎。負。他。鳳。墀。前。鵲。立。群。僚。

且作向前背立科丑悄上與生耳語科梅娘娘已

貴妃以法言制明
皇力士即效之以
對貴妃不復更作
異語而貴妃亦為
氣沮出而反爾大
是快人

去了萬歲爺請出朝罷生點頭科妃子勸寡人視

朝只索勉強出去高力士你在此送娘娘回宮者

丑領立向內科擺駕內應科生風流惹下風流苦

不是風流總不知下旦坐科高力士你瞞着我做

得好事只問你這翠鈿鳳鴛是那一個的丑

南滴滴金告娘娘省可悶煩惱奴婢看萬歲爺與娘

娘呵百縱千隨真是少今日這翠鈿鳳鴛莫說是梅

亭舊日恩情好就是六宮中新窈窕娘娘呵也只合

佯裝不曉直恁破工夫多計較不是奴婢擅敢多口

如今滿朝臣宰誰沒有箇大妻小妾何況九重客不

得這宵

旦

北四門子呀這非是衾裯不許他人抱道的咱量似

斗筲只怪他明來夜去裝圈套故將人瞞的牢丑萬

歲爺瞞着娘娘也不過怕娘娘着惱非有他意旦把

似怕我焦則休將彼邀却怎的劣雲頭只思別岫飄

將他假做拋暗又招轉關兒心腸難料

作掩淚坐科老旦上清早起來不見了娘娘一定

在這翠閣中不免進去咱作進見旦科呀娘娘呵

南鮑老催為何淚拋無言獨坐神暗消問丑高公

徐曰爲字去聲止與伯音同深愛也

說至此亦自軟心惟有涕淚

徐曰道的咱量似斗筲七字用潑潑雨那官人是我的丈夫句法劣要只思個字用仄平仄平協調而別字平聲岫字去聲尤協

志字同他人多不
解此

明皇能解姑情能
耐姑語真是個中
人

公是誰觸着他情性嬌丑低科不要說起作賠出鈿
帛與老旦看科只爲見了這兩件東西故此發惱老
旦笑低科如今那人呢丑早已去了老旦萬歲爺呢
丑出去御朝了永新姐你來得甚好可勸娘娘回宮
去罷老旦曉得了回向丑科娘娘你慢將眉黛顰啼
痕滲芳心惱晨餐未進過清早怎自將千金玉體輕
傷了請回宮去尋歡笑

內駕到旦起立科生上媚處嬌何限情深妬亦真
且將箇中意慰取眼前人寡人圖得半夜歡娛反
受十分煩惱欲待剛叱他一番又恐他反道我偏

明皇應漏存貴妃
愈嬌姑假使天威
借震又作魚貫想
矣然貴妃逆知上
意不能反目故下
文即以綴金動之
情事周家文章更
有針線

愛梅妃只索忍耐些罷高力士楊娘娘在那里丑

還在閣中老旦丑暗下生作見旦旦背立不語掩

泣科生呀妃子爲何掩面不語且不應科生笑科

妃子休要煩惱朕和你到華萼樓上看花去旦

北水仙子問問問華萼嬌怕怕怕不似樓東花

更好有有有梅枝兒會占先春又又又何用綠

楊牽繞生寡人一點真心難道妃子還不曉得旦請

請請請真心向故交免免免人怨爲妾情薄跪科

妾有下情望陛下俯聽生扶科妃子有話可起來說

且泣科妾自知無狀謬竊寵恩若不早自引退誠恐

亦自楚楚可憐不
由人情動

徐曰末句六字用
元制單殺奪果句
法

明皇此時亦異亦
愧語意在不言不
淺間傳神之筆

謠詠日加禍生不測有累君德鮮終益增罪戾今幸
天眷猶存望賜片放陛下善視他人勿以妾爲念也
泣拜科拜拜拜辭了往日君恩天樣高出釵盒科
這釵盒是陛下留情時所賜今日將來交還陛下把
把把把深情密意從頭繳生這是怎麼說旦省省省
省可自承舊賜福難消

旦悲咽生扶起科妃子何出此言朕和你兩人阿
南雙聲子情雙好情雙好縱百歲猶嫌少怎說到怎
說到平白地分開了總朕錯總朕錯請莫惱請莫惱
笑覷科見了你這顰眉淚眼越樣生嬌

一語回心急作收
料仍是狡獪

交收
出固龍本意
審結
你曰盒字入聲作
平時收好川去平
上協其定情心事
表用去平平夫上
止與倩女離魂作
人清瘦影同必如
此方協貫鍾尾煞

周補

盒福生科

妃子可將釵盒依舊收好。既是不耐看花。朕和你
到西宮閑話去。且陛下誠不棄妾。妾復何言。
袖釵

北尾煞領取釵盒再收好。度芙蓉帳煖。今宵重把那
定情時心事表。

生携旦並下。丑復上。萬歲爺同娘娘進宮去了。略
如今且把這翠釧鳳鳥送還梅娘娘去。

柳色參差映翠樓

詞馬

君王玉輦正淹留

錢

豈知妃后多嬌妬

式

惱亂東風卒未休

禮

偵報

外引末扮中軍四維執刀棍上

此折寫崑山及形
漸露子儀先事而
終以爲收京張本
且于前後四折生
旦戲中以此間之
促于變色振演

出鎮易將之失夫
人知之而楊薇者
不覺千古餘恨

出守巖疆典鉅城風聞邊事實堪驚不知憂國心
多少白髮新添四五莖下官郭子儀叨蒙聖恩擢
拜靈武太守前在長安見安祿山面有反相知其
包藏禍心不想聖上命彼出鎮范陽分明縱虎歸
山却又許易番將一發添其牙爪下官自天德軍
陞任以來日夜擔憂此間靈武乃是股肱重地防
守宜嚴已遣精細哨卒前往范陽探聽去了且待
他來便知分曉小生扮探子執小紅旗上

雙調夜行船兩脚似星馳和電捷把邊情打聽些些
急離燕山早來靈武作進見外一足跪叩科向黃堂

爆雷般唱一聲高喏

外探子你回來了麼小生我肩挑令字小旗紅晝

夜奔馳疾似風探得邊關多少事從頭來報主人

公外分付掩門衆掩門科下外探子你探的安祿

山軍情怎地兵勢如何近前來細細說與我聽者

小生爺爺聽啟小哨一到了范陽鎮上呵

喬木魚見鎗刀似雪密匝匝鐵騎連營列端的是號

令如山把神鬼懼那知有朝中天子尊卑選他將軍

令闔外嘩噓

外那祿山在邊關近日作何勾當小生

探子不速說邊情
待郭掩門令其近
前細說是見軍機
之密上下同心

涂口首句四字
木查么篇掛也

可知祿山肆志余
在此舉太阿倒持
所以連累也
徐曰祿也二字各
用詞法如是用去
上聲音更協

徐曰私招四方亡
命者周平平去平
平去上音調俱協

關聖敗祿山自為
烈而不死之聲

慶宣和。他自誇那番將。更來把那漢將。撒。下。裹。牙。爪。排。設。每。日。領。馬。彎。弓。關。馳。獵。把。兵。威。耀。也。耀。也。

外還有什麼舉動波小生

落梅花。他賊行藏真難料。歹心腸。忒。那。誘。諸。番。密。相。勾。結。更。私。招。四。方。亡。命。者。巢。窟。內。盡。藏。凶。孽。

外驚科既有這等事。難道朝廷之上。竟無人奏告

糜小生聞得一月前京中有人告稱祿山反狀萬

歲爺暗遣中使。去到范陽。轍其動靜。那祿山見了

中使呵。

風入松。十分的小心。禮貌假粧呆。儘金錢。徧。佈。葢。奸。

如也
秘制尋後說何

寫祿山猶有難思
罪以甚國忠激禍之

邪把一個中官哄騙的滿心悅來回奏把逆跡全遮

因此萬歲爺愈信不疑反把告叛的人送到祿山軍
前治罪一任他橫行弄架有誰人敢再弄唇舌

外嘆介如此怎生是了也小生前日楊丞相又上

一本說祿山叛跡昭然請皇上亟加誅戮那祿山

見了此本呵

撥不斷也不免脚兒跌口兒嗟意兒中志志心兒裏

怯不想聖旨倒說祿山誠實丞相不必生疑他一聞

此信便就呵呵大笑罵這讒臣奈我耶咬牙根誓將

君側權奸滅怒轟霹靂急待把此仇來雪

外呀他要誅君側之奸非反而何且住楊相這本
怎麼不見耶抄小生此是密本原不發抄只因楊
丞相要激祿山速反特着塘報抄送去的外怒科
唉外有逆藩內有好相好教人髮指也小生小哨
還打聽的祿山近有獻馬一事更利害哩

神人獻馬一計
京反狀波瀾壯烈

離亭宴散拍煞他本待選豺狼魃地裏思抄竊巧借
着獻驢馴象勢上行強外怎麼獻馬可明白說來

者小生他遣何千年賣表奏稱獻馬三千匹每馬一
匹有甲士二人又有二人御馬一人刳牧共三五一

千兵萬馬雲如風
而也求此種文情
直足驚元人高屋

萬五千人護送入京一路裏兵強馬劣開洶洶怎隄

此詞即離亭
宴也但第九句
起復重用第三
第八六句是以謂
之歇拍故題當作
離亭宴歇拍其
帶字乃後人妄增
耳

收歸探子本事詞
采壯烈

防亂紛紛難鎮壓。急攘攘誰攔截。生兵入帝畿。野馬
臨城闕。怕不把長安來鬧者。外驚狂。嘆罷了。此計若
行。西京危矣。小生這本方纔進去。尚未取旨。只是祿
山呵。他明把至尊欺殺。將奸計使險備機。關設馬蹄。
兒縱不行。狠性子終難帖。這的鞞鼓向漁陽動也。爺
爺呵。莫待傳白羽。始安排。小哨呵。準備閃紅旗。再報
捷。

外知道了。賞你一罇酒。一腔羊。五十兩花銀。免一
月打差。去罷。小生叩頭辭爺。外叫左右開門。衆
應上。作開門。外小生下。外中軍官求應介。外傳令

衆軍士明日教場操演准備酒席犒賞未領鈞旨

〔先下〕

〔外〕數騎漁陽探使回

裝

威雄八陣役風雷

劍萬錫

胸中別有安邊計

唐

軍令分明數舉杯

贊

窺浴

〔世扮宮女上〕

以前整備諸事皆係力上承念此非用兩宮人補科訓

仙呂入

字字雙自小生來貌天然花面宮娥隊裏我

場便變換生動

爲先掃殿忽逢小監在階前胡纏伸手摸他褲兒邊

不見

我做官娥第一標致無人能及腮邊花粉糊塗嘴

上胭脂狼籍秋波俏似銅鈴弓眉彎得筆直春纖

長生殿上

畫

平清賜浴一事不
為則為科派為則
大難書作于
冊立時點明此復
用旁生映襯而意
明皇同浴永念結
類以避漢成故事
真窮如盡意之文
徐曰用此各人出
古法所難此與
甚同妙

十箇插槌玉體渾身糙漆柳腰松段十圍蓮蕤灘
船半隻楊娘娘愛我伶俐選做霓裳部色只因喉
嚨太響歌時嘴邊起箇霹靂身子又太狼伉舞去
衝翻了御筵卓席皇帝見了發惱打落子弟名籍
登時發到驪山派到溫泉殿中承值昨日鑾輿臨
幸同楊娘娘在華清駐蹕傳旨要來共浴湯池只
索打掃鋪陳收拾道猶未了那邊一箇宮人來也

副淨扮宮女上

雁兒舞擔閣青春後宮怨女漫跌脚搥胸有誰知苦
揠着一世沒有丈夫做一隻孤飛雁兒舞

楊妃妬寵原爲樣
如點染作波此便
順手了之隨起隨
是文章妙法

景色如猴

〔見介丑〕姐姐你說甚麼雁兒舞如今萬歲爺有了
楊娘娘的霓裳舞連梅娘娘的驚鴻舞也都不愛
了副淨便是我原是梅娘娘的官人只爲我娘娘
自翠閣中忍氣回來一病而亡如今將我搬在這
里丑原來如此楊娘娘十分妬忌我每再休想有
承幸之日副淨罷了丑萬歲爺將次到來我和你
且到外廂伺候去虛下末小生扮內侍引生旦老
旦貼隨行上

〔羽調〕四季花別殿景幽奇看雕梁畔珠簾外雨捲雲
飛透迤朱闌幾曲環盡溪脩廊數層接翠微遠紅牆

五個你字次第溫
背已整風流情況

刻至生動兩人思
愛時臨紙上

通玉扉末小生啟萬歲爺到溫泉殿了生內侍迴避

末小生應下生妃子你看清渠屈注洄瀾皺漪香泉

柔滑宜素肌朕同妃子試浴去來老貼與生旦脫去

大衣介生妃子只見你款解雲衣早現出珠輝玉麗

不由我對你愛你扶你觀你憐你

生携旦同上老旦念奴姐你看萬歲爺與娘娘恁

般恩愛真令人羨殺也貼便是老旦

鳳釵花絡索

金鳳釵

花朝擁月夜偃嘗盡溫柔滋味

勝如

花

貼合鎖相連似影追形分不開如刀割水

辭扶

干

般捫縱百般隨兩人合一副腸和胃

梧葉兒

露意口難

描摹治照如利玉
環呼之欲出竟難
事移辛術形似非
神似也
凝睛私處曲盡形
容翻見慣渾閒又
增新意

提寫不迭鴛鴦帳綢繆無盡期老旦姐姐我與你伏

侍娘娘多年雖覩嬌容未窺玉體今日試從綺疏隙

處偷覷一觀何如貼恰好同作向內窺介水紅合情

偷窺亭亭玉體宛似浮波箇箇含露弄嬌輝浣溪輕

盈臂腕消香膩綽約腰身漾碧漪望吾老旦明霞骨

沁雪肌大勝貼一痕酥透雙蓓蕾老旦平點春藏小

磨磨傍粧貼愛殺紅巾罽私處露微微永新姐你看

萬歲爺呵解三凝睛睇入聲恁孜孜含笑渾似呆癡

書一封合休說俺偷眼宮娥魂欲化則他箇見慣的君

王也不自持皂羅老旦恨不把春泉翻竭貼恨不把

全寫雙浴情景故
妙不然幾忘却二
人身在溫泉矣

玉山洗頰老旦不住的香肩鳴嘅貼不住的纖腰抱

圍黃鶯老旦俺娘娘無言匿笑含情對貼意怡怡月

高靈液春風澹蕩恍如醉歌老旦波光暖日影暉一

雙龍戲出平池香桂枝合險把箇襄王渴倒陽臺下恰

便似神女携將暮雨歸

丑副淨暗上笑介兩位姐姐看得高興啊也等我

再看看老旦貼姐姐我毋伺候娘娘洗浴有甚高

興丑副淨笑介只怕不是伺候娘娘還在那裏偷

看萬歲爺哩老旦貼啐休得胡說萬歲爺同娘娘

出來也丑副淨暗下生同旦上

新浴酥體宛然如
生等辰句即形容
亂頭餘潤沾滿曲
盡其妙

製惜折斷斷並帶
串說此結雙頭並
核對說各極其妙
不嫌相襲

二犯掉角兒見掉角出溫泉新涼透體睹玉容愈增光
麗最堪憐殘粧亂頭翠痕乾晚雲生膩老旦貼與生
旦穿衣介旦作嬌軟態老旦貼扶介生妃子看你似
柳含風花怯露軟難支嬌無力倩人扶起二內侍引
雜推小車上請萬歲爺娘娘上如意小車回華清宮
去生將車兒後面隨着二內侍領旨生携旦行介妃
子非歌朕和你肩相並手共携不須花底小車催東臨
趁撲面好風歸

尾聲合意中人人中意則那些無情花鳥也情癡一
般的解結雙頭學並棲

未免有情誰能遣
此天人一也無情
者亦安得生天

改古詞數字便極
工穩臨川而後罕
見其匹

點明下界年月為
謬仙關目

左

花氣渾如百和香

替

避風新出浴盆湯

是

侍兒扶起嬌無力

是

且

笑倚東窓白玉牀

替

密誓

貼扮織女引二仙女上

越調浪淘沙雲護玉梭兒巧織機絲天宮原不着相思報道今宵逢七夕忽憶年時

鵲橋仙纖雲弄巧飛星傳信銀漢秋光暗度金風

玉露一相逢便勝却人間無數柔腸似水佳期如

夢遙指鵲橋前路兩情若是久長時又豈在朝朝

暮暮吾乃織女是也蒙上帝玉勅與牛郎結為天

上夫婦年年七夕渡河相見今乃下界天寶十載

當時銀漢能覺異
發境由情生也可
以靜悟悲秋之理

七月七夕你看明河無浪烏鵲將填不免暫撒機
絲整粧而待內細樂扮烏鵲上繞場飛介前場設
一橋烏鵲飛止橋兩邊介二仙女鵲橋已駕請娘
娘渡河貼起行介

越調山桃紅下山佈這里乍拋錦字暫駕香輜合赴
過曲虎頭

碧落無雲浮新涼暮颺作上橋介踏上這橋影參差

俯映着河光淨泚小桃紅更喜殺新月纖華露滋低繞

着烏鵲雙飛翅也下山陡覺的銀漢秋生別樣姿做

過橋介二仙女啟娘娘已渡過河來了貼星河之下

隱隱望見香烟一簇搖颺勝空却是何處仙女是唐

長生殿上

五

悲觀世情便有度
人之想此猶沉說
後則直指唐宮却
好兩層合語

明皇則歡笑本穢
事也信明于此處
映出楊妃驕橫其
有微詞且引起下
文乞巧殿中撒燈
獨步增無限文精

天子的貴妃楊玉環在宮中乞巧哩貼生受他一片
誠心不免同了牛郎到彼一看合天上留佳會年年
在斯却笑他人世情緣頃刻時

齊下二內侍挑燈引生上

商調二郎神秋光靜碧沉沉輕烟送暝雨過梧桐微
過曲

做冷銀河宛轉纖雲點綴雙星內作笑聲生聽介順

着風兒還細聽歡笑隔花陰樹影內侍是那里這般

笑語內侍問介萬歲爺問那里這般笑語內是楊娘

娘到長生殿去乞巧哩內侍回介楊娘娘到長生殿

去乞巧故此笑語生內侍每不要傳報待朕悄悄前

化生盆乃金盆中
坐一粉孩兒也

去撒紅燈待悄向龍墀覷個分明

虛下旦引老旦貼同二宮女各捧香盒籠扇瓶花
化生金盆上

前腔換頭宮庭金爐篆燭光掩映米大蜘蛛厮抱定

金盤種豆花枝招颭銀瓶老旦貼已到長生殿中巧

筵齊備請娘娘拈香作將瓶花化生盆設桌上老旦

捧香盒旦拈香介妾身楊玉環虔熬心香拜告雙星

伏祈鑒祐願釵盒情緣長久訂拜介莫使做秋風扇

冷生潛上窺介覷娉婷只見他拜倒在瑤階暗祝聲

聲

拜倒時潛上最妙
若在未拜及拜起
時觀面措詞便覺
周折

極爲牛女寫愁甫
欲通出楊妃腹深

老旦貼作見生介呀萬歲爺到了旦急轉拜生介
生扶起介妃子在此作何勾當旦今乃七夕之期
陳設瓜果特向天孫乞巧生笑介妃子巧奪天工
何須更乞旦惶愧生旦各坐介老旦貼同二宮女
暗下生妃子朕想牽牛織女隔斷銀河一年纔會
得一度這相思真非容易也

集賢賓秋空夜永碧漢清南靈鷲逢迎奈天賜佳期
剛半頃耳邊廂容易雞鳴雲寒露冷又釐上經年孤
另旦陛下言及雙星別恨使妾凄然只可惜人間不
知天上的事如打聽決爲了相思成病

爲然流淚直注到
挽起心來

願作鴛鴦不羨仙
是此曲注脚

做淚介生呀妃子爲何掉下淚來三妾想牛郎織
女雖則一年一見却是地久天長只恐陛下與妾
的恩情不能勾似他長遠生妃子說那里話

黃鶯兒仙偶縱長生論塵緣也不恁爭百年好占風
流勝逢時對景增歡助情怪伊底事翻悲哽移坐近
旦低介問雙星朝朝暮暮爭似我和卿

且臣妾受恩深重今夜有句話兒住介生妃子有
話但說不嫌且對生鳴咽介妾蒙陛下寵眷六宮
無此只怕日久恩疎不免白頭之歎

鶯簇一金羅黃鶯兒提起便心疼念寒微侍掖庭更衣

得成此目何能死
又是此曲注脚
楊妃惻然傷感雖
為要盟之故然素
極哀生已動埋玉
之幾下折印驚破
竟第

忽轉到夜色上狀
出形影不離情與
景會神妙難言

下半部全從此唱
演出宜其強

傍輦多榮幸

簇御林

瞬息間怕花老春無剩

書

一封

寵難

憑

牽生衣泣介論恩情

金鳳

若得一箇久長時死也

羅

抵多少

平陽歌舞

應若得一箇到頭時死也

羅

恩移愛更長門孤寂魂銷淚零斷腸枉泣紅顏命

生舉袖與且拭淚介

妃子休要傷感朕與你的恩

情豈是等閒可比

簇御林

休心慮免淚零怕移時有變更執且手介做

酥兒拌蜜膠粘定總不離須臾頃介

話絲藤花迷月

暗分不得影和形

且既蒙陛下如此情濃起三變星之下乞賜盟約

情分又文生情神
矣化矣

以堅終始。生朕和你焚香設誓去。携旦行介。

琥珀猫兒墜。合香肩斜靠。携手下階行。一片明河當
殿橫。旦羅衣陡覺夜涼生。生惟應和你悄語低言海
誓山盟。

生上香揖。同旦福介。雙星在上。我李隆基與楊玉
環。旦合情重恩深。願世世生生共爲夫婦。永不相
離。有渝此盟。雙星鑒之。生又揖介。在天願爲比翼
鳥。旦拜介。在地願爲連理枝。合天長地久有時盡
此誓綿綿無絕期。旦拜謝生介。深感陛下情重。今
夕之盟。妾死生守之矣。生携旦介。

結挽雙星前後掩映

近演家有扮牛星為牧人者大謬牛女証盟伏後保款補恨之根不獨點染風流也

此處正須明言使觀者得醒後半閑

尾聲長生殿裏盟私訂且問今夜有誰折證生指介

同下小生扮牽牛雲巾仙衣同貼引仙女上

越調山桃紅只見他誓盟密矢拜禱孜孜兩下情無

二口同一辭小生天孫你看唐天子與楊玉環好不

思愛也悄悄相偎倚着香肩沒些縫兒我與你既締天

上良緣當作情塲管領况他又向我等設盟須索與

他保護見了他戀比翼慕並枝願生生世世情真至

也令令他長作人間風月司貼只是他兩人劫難將

至免不得生離死別若果後來不背今盟決當為之

縮合小生天孫言之有理你看夜色將闌且回斗牛
官去携貼行介合天上留佳會年年在斯却笑他人
世情緣頃刻時

何用人間歲月催

聯

星橋橫過鵲飛回

聯

莫言天上稀相見

聯

沒得心情送巧來

聯

陷關

淨領二番將四軍執旗上

越調

杏花天狼貪虎視威風大鎮漁陽兵雄將多待

長驅直把殺函破奏凱日齊聲唱歌

咱家安祿山自出鎮以來結連塞上諸蕃招納天
下亡命精兵百萬大事可舉只因唐天子待我不

國忠急思激變而
又不圖變以致
國破家亡地獄之
設正爲此輩努力
不足蔽辜也合觀
其曲折方見因果

薄思量等他身後方纔起兵耐耐楊國忠那厮屢
次說我反形大著請皇上急加誅戮天子雖然不
聽只是咱在邊關他在朝內若不早圖終恐遭其
暗算因此假造勅書說奉密旨召俺領兵入朝誅
戮國忠乘機打破西京奪取唐室江山可不遂了
我平生大願今乃黃道吉日蕃將每就此起兵前
去衆得令發號行介淨

越調 豹子令只爲奸臣釀大禍衆釀大禍淨致令邊
關曲 鎮起干戈衆起干戈合逢城攻打逢人剝屍橫徧野
血流河燒家却舍捨嬌娥

此折曲雖小場上
演時須當大戰般
台幕陷關乃是天
事不可小做也

賊殺下丑白鬚扮哥舒老將引二卒上

水底魚年紀無多剛剛八十過漁陽兵至認咱這老

哥自家老將哥舒翰是也把守潼關不料安祿山造

反殺途前來決意閉關死守爭奈監軍內侍立逼出

戰勢不由已軍士無與我併力殺上前去卒得令行

介淨領衆殺上丑迎殺大戰介淨衆擒丑綁介淨拏

這老東西過來我今饒你老命快快獻關降願丑事

已至此只得投降衆推丑下淨且喜潼關已得勢如

破竹大小三軍就此殺進西京便了衆應吶喊行介

躍馬揮戈精兵百萬多靴尖略動踏殘山與河踏殘

山與河

平旦交鋒晚未休

通

動天金鼓逼神州

鑼

潼關一敗番兒喜

烈

倒把金鞭上酒樓

鑼

驚變

丑上

玉樓天半起笙歌風送宮嫔笑語和月艷影開開

夜漏水晶簾捲近秋河自家高力士奉萬歲爺之

命着階在御花園中安排小宴要與貴妃娘娘同

來遊賞只得在此伺候生旦乘輦老旦貼隨後二

內侍引行上

北中呂粉蝶兒天淡雲閒列長空數行新雁御園中

旋前宴賞無非並
運殿景此折花園
小宴後曲所叙行
一派蕭疎秋色審
香已動安端驚
此于哀感矣

徐曰此詞絃索助
于小劇雖難時人
喜唱之作亦多

分之但石信花開
楊上小按諸曲
皆多觀字直句撲
識曲者連杜撰詞
名傳說數外今悉
正之

龍種狀濃何有曲
恨未散總是蕭索
之情口而出云
為動辭莫非先幾
自亦不解

秋色爛斑柳添黃蘋減綠紅蓮脫瓣一抹雕闌噴清
香桂花初綻

到介丑請萬歲爺娘娘下輦生旦下輦介丑同內
侍暗下生妃子朕與你散步一回者旦陛下請生
携旦手介丑

南泣顏回携手向花間暫把幽懷同散涼生亭下風
倚映水翩翩愛桐陰靜悄碧沉沉並遶迴廊看戀香
巢秋燕依人睡銀塘鴛鴦蘸眼

生高力士將酒過來朕與娘娘小飲數盃丑宴已
排在亭上請萬歲爺娘娘上宴旦作把盞生止住

長生殿上

金

徐曰此調時人說
作上小枝犯非
引接高捧來非
泰語乃仁家案齊
引化出

徐曰題罷了御厨
中兩句只幾味脆
生生句句皆可對
唱也呀呀呀呀人
字用神奴兒句法
末句七字亦添二
字

介妃子坐了

北石榴花不勞你玉纖纖高捧禮儀煩子待借小飲
對眉山俺與你淺斟低唱互更番三杯兩盞遣興消
閒妃子今日雖是小宴例也清雅迴避了御厨中迴
避了御厨中烹龍炰鳳堆盤案呀呀啞啞樂聲催釵
只幾味脆生生只幾味脆生生蔬和果清肴饌雅稱
你仙肌玉骨美人餐

妃子朕與你清遊小飲那些梨園舊曲都不耐煩
聽他記得那年在沉香亭上賞牡丹召翰林李白
草清平調三章令李龜年度成新譜其詞甚佳不

請教倚笛與前詩
蓋因教實遺事
似此清唱

蘇軾清平在此處
前寫歌常風流直
盡文人之說
徐曰此曲須細唱
必不可用快板繁
字用韻得休他人
皆作七字一句矣

徐曰此詞時人說
作黃龍象犯非不
知即關鵬錫但多
添字添句結唱耳

知妃子還記得麼。且要還記得。生妃子可爲朕歌
之。朕當親倚玉笛。以和。且領首。老且進玉笛。生吹
介。旦按板介。

南泣顏回。花繁穠艷。想容顏。雲想衣裳。光璨新粧。誰
似可憐飛燕。嬌懶名花國色。笑微微。常得君王看。向
春風解釋春愁。沉香亭同倚闌干。

生妙哉。李白錦心。妃子繡口。真雙絕矣。官娥取巨
觴來。朕與妃子對飲。老且貼送酒介。生

北關鵲鵲。鵲好是喜孜孜。駐拍停歌。喜孜孜。駐拍停
歌。笑吟吟。傳杯送盞。妃子乾一杯。作照乾介。不須他

長生殿上

全

醉之以酒以觀其
態明皇直是臥流
欲絕

一語一呼聲情宛

轉自此至撲燈蛾

曲寫一幅醉楊妃

圖也讀者須著意

卒竟醉態入神若

草草了之便索然

矣

徐曰此撲燈蛾又

絮煩煩射覆藏鈞。鬧紛紛彈絲弄板。又作照杯介。妃
子再乾一杯。且。妾不能飲了。生。宮娥每跪勸老旦貼
領首跪旦介。娘娘請上這一杯。且勉飲介。老旦貼作
連勸介。生。我這里無語持觴仔細看。早子見花一朶。
上。腮間。旦作醉介。妾真醉矣。生。一會價軟。哈哈柳。驪
花歌軟。哈哈柳。驪花歌。因勝勝鶯嬌燕懶。
妃子醉了。宮娥每扶娘娘上。替進宮去者。老旦貼
領首作扶旦起介。旦作醉態呼介。萬歲老旦貼扶
旦行旦作醉態介。
南撲燈蛾。態。懶。懶。輕。雲。軟。四。肢。影。朦。朧。空。花。亂。雙。眼。

急起之狀如畫

嬌怯怯柳腰扶難起。因沉沉強擡嬌腕。軟設設金蓮倒褻。亂鬆鬆香肩。彈雲鬟。美甘甘思尋鳳枕。步遲遲倩宮娥攙入繡幃間。

老旦貼扶旦下。丑同內侍暗上。內擊鼓介。生驚介。何處鼓聲驟發。副淨急上。漁陽鼙鼓動地來。驚破

霓裳羽衣曲。問丑介。萬歲爺在那里。丑在御花園

內。副淨軍情緊急。不免遲入。進見介。陛下不好了。

安祿山起兵造反。殺過潼關。不日就到長安了。生

大驚介。守關將士何在。副淨哥舒翰兵敗已降賊

了。生

徐曰此調時人說
作上小樓犯非乃
上小樓么篇也但
添字結唱耳則
戰心搖三句皆四
字正與上校格同
恰好詞脚恰好妙
詞在元人中亦不
多得月明花繁仍
顧逆國又文思之
整暇也
除此辭亂尚以反
唇爲快獨不自念
平及主筆謹隨脂
何及

點明陳元禮起下
折開目

北。上。小。樓。呀。你。道。失。機。的。哥。舒。翰。稱。兵。的。安。祿。山。赤。
緊。的。離。了。漁。陽。陷。了。東。京。破。了。潼。關。唬。得。人。膽。戰。心。
搖。唬。得。人。膽。戰。心。搖。腸。慌。腹。熱。魂。飛。魄。散。早。驚。破。月。
明。花。繁。

卿有何策可退賊兵副淨當日臣曾再三啟奏祿
山必反陛下不聽今日果應臣言事起倉卒怎生
抵敵不若權時幸蜀以待天下勤王生依卿所奏
快傳旨諸王百官即時隨駕幸蜀便了副淨領旨
急下生高力士快些整備軍馬傳旨令右龍武將
軍陳元禮統領羽林軍士三千扈駕前行丑領旨

徐曰此調時人說作北聲字犯非亦是撲燈蛾乃風流合三十格也再按場上從無南北曲一人并唱者今以排場所限破格爲之非正體也磳磳啞句不疊唱亦可

〔下內侍請萬歲爺回宮〕生轉行嘆介〔唉正兩歡娛不想忽有此變怎生是了也〕

南撲燈蛾穩穩的官庭宴安擾擾的退廷造反擊擊的鑼鼓喧騰騰的烽火照的溜撲碌臣民兒逃散黑漫漫乾坤覆翻磳磳社稷摧殘磳磳社稷摧殘當不得蕭蕭颼颼西風送晚黯黯的一輪落日冷長安

〔向內問介〕宮娥每楊娘娘可曾安寢老旦貼內應介已睡熟了生不要驚他且待明早五鼓同行泣介天那寡人不幸遭此播遷累他玉貌花容驅馳

長生殿上

不惜傾城國佳人
難再得延年歌殆
虛語耳不意明皇
實之

道路好不痛心也

南尾聲在深宮元自嬌慵慣怎樣支吾蜀道難哭介
我那妃子呵愁殺你玉軟花柔要將途路趨

宮殿參差落照間

落

漁陽烽火照函關

落

遏雲聲絕悲風起

胡

何處黃雲是隴山

武元

埋玉末扮陳元禮引軍士上

南呂過曲

金錢花擁旄仗鉞前驅前驅羽林擁衛鑾輿鑾

輿匆匆避賊就征途人跋涉路崎嶇知何日到成都

下官右龍武將軍陳元禮是也因祿山造反破了

潼關聖上避兵幸蜀命俺統領禁軍扈駕行了一

徐曰此調首句乃
六字非九字也成
都都字不可用韻
拜月只因國難滅
大臣因字犯韻偶
誤山字亦不用韻
為是

程早到馬嵬驛了。
〔內鼓噪介〕末衆軍爲何吶喊。
〔內〕祿山造反。聖駕播遷。都是楊國忠弄權。激成變亂。
若不斬此賊臣。我等死不扈駕。
〔末〕衆軍不必鼓噪。
暫且安營。待我奏過聖上。自有定奪。
〔內應介〕末引
軍重唱人跋涉四句下生同且騎馬引老旦貼丑

行上

中呂粉孩兒。匆匆的棄宮闈。珠淚灑。歎清清冷冷半
過曲。張鑾駕。望成都。直在天一涯。漸行來。漸遠京華。五六
搭剩水殘山。兩三間空舍。崩瓦。

丑來此已是馬嵬驛了。請萬歲爺暫住。變駕生且
長生殿上

諱軍直殺國忠最
妙若待元禮轉
奏請則與道殺
妃犯重矣且因此
驚動明皇使後道
貴妃時不得不從
皆是慘淡經營處

下馬作進坐介生寡人不道誤寵逆臣致此播遷
悔之無及妃子只是累你勞頓如之奈何旦臣妾
自應隨駕焉敢辭勞只願早早破賊大駕還都便
好內又喊介楊國忠專權誤國今又交通吐蕃我
等誓不與此賊俱生要殺楊國忠的快隨我等前
去雜扮四軍提刀趕剛淨上繞場奔介軍作殺副
淨吶喊下生驚介高力士外面為何喧嚷快宣陳
元禮進來丑領旨宣介末上見介臣陳元禮見駕
生聚軍為何吶喊末臣啟陛下楊國忠專權召亂
又與吐蕃私通激怒六軍竟將國忠殺死了生作

驚惶隱忍之狀各
在科介中演着皆
須摹擬盡情

明皇答語甚難和
想方見其妙

驚介呀有這等事且作背掩淚介生沉吟介這也
罷了傳旨起駕末出傳旨介聖旨道來赦汝等擅
殺之罪作速起行內又喊介國忠雖誅貴妃尚在
不殺貴妃誓不扈駕末見生介衆軍道國忠雖誅
貴妃尚在不肯起行望陛下割恩正法生作大驚
介哎呀這話如何說起且慌牽生衣介生將軍
紅芍藥國忠縱有罪當加現如今已被刦殺妃子在
深宮自隨駕有何干六軍疑訝末聖諭極明只是軍
心已變如之奈何生卿家作速曉諭他恁狂言沒些
高下內又喊介末陛下呵聽軍中恁地喧嘩教徵臣

怎生彈壓

且哭介陛下呵

耍孩兒事出非常堪驚詫已痛兄遭戮奈臣妾又受
波查是前生事已定薄命應折罰望吾皇急切拋奴
罷只一句傷心話

貴妃口雖請死心實戀生只一句傷心話是傳神妙語

坐妃子且自消倖內又喊介不殺貴妃死不扈駕

末臣啟陛下貴妃雖則無罪國忠實其親兄今在

陛下左右軍心不安若軍心安則陛下安矣願乞

三思生沉吟介

會河陽無語沉吟意如亂麻且牽生衣哭介痛生生

不捨官家方是貴妃真實語

怎地捨官家。合可憐。一對鴛鴦。風吹浪打。直恁的遭。
強。賴。內。又。喊。介。旦。哭。介。眾。軍。逼。得。我。心。驚。唬。生。作。呆。
想。忽。抱。旦。哭。介。貴。妃。好。教。我。難。禁。架。

眾軍兩喊上繞場圍驛下。且萬歲爺外廂軍士已。
把驛亭圍了。若再遲延。恐有他變。怎麼處。生。陳元。
禮。你。快。去。安。撫。三。軍。朕。自。有。道。理。末。領。旨。下。生。且。
抱。哭。介。旦。

相義山詩以臨語
作若語更覺凄然
欲絕

縷縷金魂飛。顫淚交加。生。堂堂。天。子。貴。不。及。莫。愁。家。
令。哭。介。難。道。把。恩。和。義。霎。時。拋。下。且。跪。介。臣。妾。受。皇。
上。深。恩。殺。身。難。報。今。事。勢。危。急。望。賜。自。盡。以。定。軍。心。

傷心至此無可奈何
何足榮甘罷矣

以下兩句頓跌皆
逼人滿淚

詞意悲惻足為情
場生色

陛下得安穩至蜀安雖死猶生也等將來無計解軍
譁殘生願甘罷殘生願甘罷

哭倒生懷介生妃子說那里話你若捐生朕雖有
九重之尊四海之富要他則甚寧可國破家亡決
不肯拋捨你也

攤破地錦花任謹謹我一謎粧聲啞總是朕差現放
着一朶嬌花怎忍見風雨摧殘斷送天涯若是再禁
加拚代你隕黃沙

且陛下雖則恩深但事已至此無路求生若再留
戀倘玉石俱焚益增妾罪望陛下捨妾之身以保

醉中呼後此又一
呼那得不哭倒

又從佛堂作一頓

宗社丑作掩淚跪介娘娘既慷慨捐生望萬族
以社稷爲重勉強割恩龍內又喊介生頓足哭介
罷罷妃子既執意如此朕也做不得主了高力士
只得但但憑娘娘罷作哽咽掩面哭下旦朝上拜
介萬歲作哭倒介丑向內介衆軍聽着萬歲爺已
有旨賜楊娘娘自盡了衆內呼介萬歲萬歲萬萬
歲丑扶旦起介娘娘請到後邊去扶旦行介旦哭
介

哭相思百年離別在須臾一代紅顏爲君盡

轉作到介丑這里有座佛堂在此旦作進介丑住

長生殿上

全

收拾以金圓像
爲後世仙信物

待我禮拜佛爺拜介佛爺佛爺念楊玉環呵

越恁好罪孽深重罪孽深重望我佛度脫咱丑拜介

願娘娘好處生天旦起哭介丑跪哭介娘娘有甚話

兒分付奴婢幾句丑高力士聖上春秋已高我死之

後只有你是舊人能體聖意須索小心奉侍再爲我

轉奏聖上今後休要念我了丑哭應介奴婢曉得且

高力士我還有一言作除叙出金介這金釵一對釧

盒一枚是聖上定情所賜你可將來與我殉葬萬萬

不可遺忘丑接叙盒介奴婢曉得且哭介斷腸痛殺

說不盡恨如麻末領軍擁上楊妃既奉旨賜死何得

亦是平心語非過
罪元禮也

梨樹又作一頭

一靈不放便是仙
根古來仙佛皆有
情人也請此折而
不墮淚者其人必
不情

停留稽遲聖駕軍响喊介丑向前攔介衆軍士不得
近前楊娘娘卽刻歸天了且唉陳元禮陳元禮你兵
威不向逆寇加逼奴自殺軍又喊介丑不好了軍士
并擁進來了且看介唉罷罷這一株梨樹是我楊玉
環結果之處了作腰間解出白練拜介臣妾楊玉環
叩謝聖恩從今再不得相見了且泣介丑作哭縊介
我那聖上啊我一命見便死在黃泉下一靈兒只傍
着黃旗下

做縊死下末楊妃已死衆軍速退衆應同下丑哭

介我那娘娘啊下生上六軍不發無奈何死轉蛾

長生殿上

五

夜筵終有散時萬
事一場懨懨須識
破情根即是福根
早作好收煞耳

眉馬前死丑持白練上見生介啟萬歲爺楊娘娘
歸天了生作呆不應介丑又啟介楊娘娘歸天了
自縊的白練在此生看大哭介哎哟妃子妃子兀
的不痛殺寡人也倒介丑扶介生哭介

紅繡鞋當年貌比桃花桃花丑今朝命絕梨花梨花
出釵盒介這金釵鈿盒是娘娘分付殉葬的生看釵
盒哭介這釵和盒是禍根芽長生毀恁歡洽馬嵬驛
恁收煞

丑倉卒之間怎生整脩棺槨生也罷罷將錦褥包
裹須要埋好記明以待日後改葬這釵盒就繫娘

人不得道多有事
後之勝如明皇當
六軍逼廂時不能
自去只得感貴妃
自盡及至生人沒
後又視西川之去
甚想總是欲動情
勝都無是處然唯
有此情根亦是生
天種子也

娘衣上罷丑領首下生哭介

尾聲溫香艷玉須與化今世今生怎見他末上跪介
請陛下起駕生頓足恨介咳我便不去西川也值甚
麼

內吶喊掌號衆軍上丑暗上引生上馬行介介

仙呂入朝元令長空霧粘旌旆寒風颭長征路淹隊
雙調過曲

仗黃塵染誰料君臣共嘗危險恨賊寇橫興逆焰烽
火相兼何時得將豺虎殲遙望蜀山尖回將鳳闕瞻
浮雲數點咫尺把長安遮掩長安遮掩

翠華西拂蜀雲飛

天地塵昏九門危

吳松

蟬發不隨鑿駕去

空驚駕馬忽相隨